

# WANTOK

NIUSPEPA BILONG OL PAPUA NIUGINI STRET

40 pes

Namba 777

25 Me - 1 Jun, 1989

30 toea

## Namaliu toktok wantaim Hawke

TOKTOK bilong Bougainvil Kopa Main i kamap pinis namel long Praim Minista bilong Australia Bob Hawke na Praim Minista bilong Papua Niugini Rabbie Namaliu long Tunde 24 Me.

Mista Namaliu i tokaut olsem hevi long Bougainville i wanpela bikpela samting na bai i kisim longpela taim long stretim.

Em i tok ol hevi i stap nau i stat long sampela hap bilong namba wan agrimen bilong Bougainvil Kopa long 1974. Ol man i bin stadi long dispela agrimen i no bin lukluk gut long em.

"Gavman bilong mi bai i no nap marimari long ol man i bin brukim lo na bagarapim ol samting. Bai mipela bihainim lo long mekim save long ol man i kamapim dispela trabel," Mista Namaliu i tok.

Long ol narapela toktok Mista Hawke i tokaut long helpim Nesenel Intelijens Ogenaisesen (NIO). NIO bai kisim helpim long opis bilong Australia ol i kolim Australia Sekyuriti Intelijens Ogenaisesen (ASIO).

Australia i bin tok orait long apim namba bilong ol PNG studen i bai go skul long Australia long 1990.


Mista Namaliu i tok namba bilong sumatin bai i stat go antap long 25 inap long 225. Nau yet ol bai painim spes bilong narapela 100 long go skul Australia.

Mista Namaliu i tok tu olsem Australia bai givim 4-pela helikopta long ami bilong PNG. Ol dispela helikopta i ken mekim ol kain kain wok. Ol dispela helikopta i ken stap longpela taim long dispela kain ples. Ol i wankain olsem dispela ol helikopta ol Amerika i yusim long taim bilong Amerika i pait long Vietnam.



"Yes, ating em i luk olsem papa". Tripela pikinini bilong Michael Somare i glasim nupela K50, Beng bilong Papua Niugini i autim nau. Ol i gat wait-pela siot (1-r Sana, Betha na Arthur) na sanap wantaim Steven Damien.

## Ol sios i redi long bungim Ona



•Kain stail bilong yu tasol. Em ainman bilong Mendi Muruks, Kore Seeto i holim bal na givim siksti. Muruks i nekim Goroka 44-18. Poto: Sape METTA.

TRIPLELA bikpela sios long Not Solomons provins Katolik, SDA na United Sios i tok ol i redi tasol long go pas long stretim toktok namel Francis Ona na Nesenel gavman.

Ol sios i tokaut long givim dispela helpim bihain long Nesenel Gavman i stapim ol sekyuriti fos long no ken pait wantaim ol paitman bilong Francis Onsa.

Nesenel Gavman i rausim olgeta sekyuriti fos long bus na ol i stap nau long kem long Aropa, Arawa na Panguna. Ol bai stap pait inap 15 de na wetim sios na Francis Ona long stretim tok-

tok. Mausmeri bilong ol papa bilong graun Perpetua Serero i laik Francis Ona tu i mas givim tingting bilong em tu long dispela Pis Agrimen.

Minista bilong Mineral na Eneji Patterson Lowa i askim ol sios long kamap namelman long bringim Mista Ona long toktok wantaim gavman. Mista Lowa nau i stap pinis long Not Solomons long askim ol sios long helpim gavman.

Mista Lowa i tok em i kisim sapot pinis long ol asples pipel long wok wantaim Provinsal na Nesenel

Gavman long askim Ona na toktok wantaim ol.

Ripot i kam long Not Solomons i tokaut olsem olgeta samting i orait. I no gat bikpela trabel. Ol trabel i bin kamap long Mande na long taim ol i sutim wanpela man Australia long wiken.

Long Tunde ol i henasapim ol ka i karim ol wokman bilong Bougainvil. Tupela wokman i kisim bikpela bagarap na stap long haus sik na 5-pela i kisim marasin na bihain em i go bek long ples.

Ripot long Arawa i tokaut olsem Provinsal Gavman na

Nesenel Gavman i laik ol namel grup, olsem sios i mas go pas long toktok wantaim Francis Ona.

Mausman bilong ol Sios i tokim Wantok olsem ol sios i bin salim pas pinis long Ona. Tasol ol i wetim tasol bekim bilong Francis Ona na lain bilong em.

Em i tok taim Francis Ona i bekim bai i ol go long bus na paitim toktok wantaim em.

Pater John Momis bai kamap olsem mausman bilong Nesenel Gavman.

i go long pes 3

Poto i soim Mista Namaliu i sainim tok orait bilong takis wantaim Federal Tresera bilong Australia Paul Keating. Praim Minista bilong Australia Bob Hawke i sanap long baksait.



**NEW BEEF CRACKERS**  
**Igat Kick!**



BISCUIT MAKERS TO PNG

**PLIS**

*Ripot*



**DARU:** DARU distrik kot i bin kalabus wanpela man bilong kantri Ghana (Afrika) bihain long kot i painim olsem em i no bin gat ol pepa i tok orait long em long kam insait long kantri.

Nem bilong man ya em Edward Nsowa na em i bilong wanpela ples long Ghana ol i kolim Kintapo. Kot i painim olsem Nsowa i kam insait ong kantri long Epril 20.

Mejistret Andrew Baigri i kalabusim Nsowa long tripela mun olgeta. Taim em i stap kalabus bai Foren Afeas Dipatmen i traim long stretim rot bilong em long go bek long kantri bilong em.

**DARU:** WANPELA soldia i lus long wara Flai long Westen provins taim bot bilong ol i tanim long Tunde 23 Me. Ol plis i no painim bodi bilong soldia yet.

Dispeal soldia wantaim ol sampela lain bilong em i wok long prektis long wara taim em i pundaun. Narapela soldia tu i bin pundaun long dispela taim tasol ol pren bilong em kisim em bek.

Westen provins plis komanda Hariba Mamaea i tok em i salim ol plis na ami i go long dispela hap bihain long em i kisim tok-save. Tasol soldia ya i lus yet.

**MT HAGEN** - Wanpela man i bagarapim wanpela yangpela meri long Kerebuk klostu long Mt Hagen taun long las wik Fraide. Dispela samting i kamap olsem 3 klok long apinun.

Liklik meri ya krismas bilong em 15 na em i bilong Enga provins.

Plis ripot i tok meri ya wantaim pren bilong em i wok long go long Kerebuk viles taim dispela trabel i kamap.

Wanpela man i kamap long ol na pretim pren bilong meri ya wantaim naip na bagarapim dispela meri.

**MT HAGEN** - Narapela meri i bin go long Mt Hagen Jeneral Haus Sik bihain long wanpela man i bagarapim em long haus bilong em long las Fraide.

Dispela trabel i kamap long Kaunsel kompaun long Warakum. Plis i tok meri ya i wanpela i stap insait long haus bilong em taim birua bilong em i go insait.

Dispela man i go insait lokim ol dua na bihain bagarapim em insait long haus. Plis i no holim pasim wanpela man.

**MT HAGEN** - Polis i tokaut pinis long nem bilong man i pundaun long ka long Kagamuga rot long las wik.

Nem bilong man ya Peter Kwek Makeon. Em i gat 27 krismas na em i bilong ples Munyu long Mendi, Saten Hailans provins.

Plis i tok man ya i pundaun long wanpela gavman ka i wok long ron i go long Hagen las Fraide long samting olsem 9 klok long moning.

## Hagai i primia yet

JOSHUA Hagai i primia bilong Morobe provins yet. Nesenel kot i bin tokaut long dispela long Tunde.

Kot i painim olsem long seksen 42 bilong konstitusen bilong Morobe, mosen bilong vot i no gat bilip i mas kamap long notis pepa tupela wik bipo long Tutumang i vot.

Mosen bilong vot i no gat bilip long Hagai i mas kamap notis pepa long 2 Me na bai Tutumang i vot long em long 15 Me.

Kot i painim tu olsem lain bilong Mema bilong Yabim

/Yepa Jerry Nalau i mas gat 2/3 namba bilong ol memba long winim gavman.

Em i min olsem, oposisen i mas gat 24 memba long dispela 35 memba long Morobe provinsal gavman long winim mosen. Tasol Mista Nalau wantaim ol lain bilong em i gat 22 memba tasol.

Ekting jas Jastis Andrew i tok, "Mi painim olsem dispela mosen bilong vot i no gat bilipi no bihainim seksen 42 (2) bilong Morobe konstitusen. Na tu i no gat 2/3 namba bilong memba i stap long winim dis-

pela mosen."

Jastis Andrew i tok seksen 88 bilong Morobe konsitusen i tok sapos memba i no ruruim lo bilong Tutumang, orait em i mas tok sori long rong em i mekim. Na bihain bai i gat mosen long rausim dispela memba. Em i no kamap.

"Mi lukim olsem spika i rausim primia Joshua wantaim ol lain bilong em long wanem ol i no kamap long miting bilong Tutumang. Tasol dispela i no bin stret long konstitusen," Jastis Andrew i tok.

Mista Hagai i tok



• Primia Joshua Hagai

bihain long dispela kot olsem em i save olsem bai em i winim dispela kot yet.

"Mi save olsem bai mipela i win. Long wanem oposisen i no gat 2/3 namba long

rausim gavman bilong mi," Mista Hagai i tok.

Man i lusim kot Mista Nalau i tok em i gavman bilong ol pipel bilong Morobe. Na ol yet bai i sasim husat i rong na husat i rait.

## Isten Hailans Rihebilitesen Komiti tok amamas long Nombe

SEKETERI bilong Isten Hailans Rihebilitesen Komiti Pasta Mutenkec Wahazokac i amamas tru long Primia Nombe long i no baim sia long Hailans Breweri

(bia faktori).

Pasta Wahazokac i tok em i amamas tru long tingting bilong primia na ol lain minista bilong em. Dispela i soim tru olsem gavman i makim ol pipel.

Em i tok dispela fak-

tori i olsem samting bilong bagarapim laip bilong ol pipel. Ol arapela primia long Hailans tu i mas bihainim na noken sapatim dispela projek.

Tupela gavman provinsal na nesenel i

ting ol i mekim mani. Tasol samting tru ol i bagarapim na kilim ol pipel bilong ol yet.

Em i mekim dispela toktok taim em i stap long mosbi long CIS Rihebilitesen Komiti miting. Dispela miting i bin kamap long Mosbi long las wik.

Long dispela miting tu ol i toktok long sampela hevi i kamap na bagarapim laip bilong ol famili. Planti ol lain i kalabus bikos long pasin bilong spak.

Sampela arapela toktok i kamap long dispela miting em long trening program bilong ol woka, Helpim komyuniti long luksave long Prison De Na helpim

tru ol kalabus man taim ol i pinis kalabus.

Pasta i tokaut olsem em i bin harim olsem Isten Hailans bai sevis dispela K300,000 long bringim ol sevis i go long pipel.

Em i tok dispela i helpim tru long kamapim developmen. Olsem na ol pipel i ken amamas. Ol bai i no inap wari long ol fektori.

Olsem primia insait long Hailans rijon bai givim K300,000 long wokim fektori. Tasol nauyet Saten Hailans na Simbu tasol i givim ani. Enga na Isten Hailans i no givim mani yet.

## Painim gol yet



Long taim Porgera Joint Venture kampani i wok long redi nau long kaumautim gol long Porgera, ol pipel i wok long painim gol yet long wara arere long gol main. Dispela pot i soim sampela meri bilong ples i wok long painim gol i stap. Poto Rowan Callick

## ToVue i paia long gavman bilong Brown

STRONGPELA gavman bilong Is Nu Briten i wok long bagarap nau aninit long nupela gavman bilong Sinai Brown. Olpela primia Ronald ToVue i bin mekim dispela toktok.

Mista ToVue i bin mekim dispela toktok long taim em i toktok long ol lida bilong ol meri na ol presiden bilong ol komyuniti gavman. Em i tok olsem gavman bilong Sinai Brown i no wok bung wantaim na i gat ol paul wok i kamap nau.

Mista ToVue i toktok long wari bilong Is Nu Brten Kaunsil ov Wimen. Ol i wari bikos gavman bilong Sinai Brown i stapim dispela K80,000 mani bilong wimens kaun-

sil. Las wik provinsal eksekutiv kaunsil (PEC) i pasim tok long stapim mani i go long wok bilong wimens kaunsil bikos wok bilong ol meri i no stret tumas.

Dispela toktok bilong PEC i hatim bel bilong ol lida meri insait long provins. Ol i singaut long provinsal gavman i mas givim dispela K80,000.

Ol lida bilong ol meri i kibung na ol i pasim tok long mekim ol dispela samting;

1. Is Nu Briten Kaunsil ov Wimen i mas makim wanpela grup long toktok wantaim provinsal gavman.

2. Sapos no gat samting i kamap, bai ol i kotim provinsal gavman long brukim promis bilong en.

## WANTOK

P.O. Box 1982, Boroko.

Telephone: 25 2500,

Teleks: NE22213, Faks 25 2579.

### PE BILONG WANPELA YIA, 52 NIUSPELA

PLES	AIR
Port Moresby / PNG	K31
Australia & New Zealand	K78
Asia/Japan	K109
Amerika & Europe	K140

Printed and published by Anna Bernadette Solomon, of Bitten Place, Gordons, at Allotment 2, Section 209, Hobaia.

# Ol kopi growa kros long gavman

OLGETA liklik kopi growa long PNG bai bung long Goroka long 30Me long autim belhevi bilong ol long gavman. Bikos gavman i rausim mani bilong Kopi Dvelopmen Ejensi (CDA).

Presiden bilong Isten Hailans Smol Kopi Groas, Simon Laki i tokim Wantok olsem gavman i toksave long Kopi Indastri Bot long stapim levi bilong kopi long 1 Me.

Em i tok, "Ol liklik groa bai painim

taim nau. Bikos ol i save strong long CDA long helpim ol liklik kopi bisnis bilong ol."

Wanpela mausman bilong CDA tu i tok olsem ol i sot long mani nau. Em i tok mani ol i save kisim i kam long 3 toea takis long wan kilogram grin kopi bin. Na gavman i no bin tokaut long katim mani bilong CDA inap nau ol i kisim toksave olsem bai i no gat moa takis long 1 Me.

Gavman i bin kirapim Kopi Dvelopmen Ejensi long Janueri 1987. Na tupela bikpela wok em i mas mekim em long mekim ol wok bihain long ol i kisim toksave i kam long Kopi Rises Institut long stapim sik kopi ras. Na narapela wok em long helpim ol fama long lukautim gut ol kopi bilong ol.

CDA i tok bihain long tupela yia ol i bin helpim samting olsem 300,000 smol holda kopi fama long kantri. Na las yia samting olsem 50,000 kopi gaden i bin

kisim fri spre long gaden bilong ol.

Dispela bikpela kibung bilong ol bai kamap long Nesanel Spot Institut long Goroka. Ol growa bai bungim Egrikalsa, Galeng Lang na ol i laik bai minista i tok save gut long watpo gavman i rausim CDA.

Mista Laki i tok ol i askim pinis Mista Lang long kamap long dispela kibung. Tasol ol i no kisim bekim yet long opis bilong em.

# Narakobi tokaut long wok bilong MA long Not Solomons trabel

MELANESIAN Alaiens Pati i laik toktok gen wantaim Bougainvil Kopa kampani long traim stretim ol toktok i kamp long hevi long Not Solomons provins.

Namba tu lida bilong MA na tu Minista bilong Jastis Bernard Narakobi i mekim dispela toktok long bekim toktok bilong Oposisen Lida Pias Wingti.

Mista Narakobi i tok ol bai bihainim lo long paitim toktok gen wantaim BCL bikos agrimen i stap nau i bilong taim bipo. Sapos dispela toktok i gohet em bai helpim ol papa bilong graun na tu Not

Solomons provins bai kisim bikpela helpim.

Mista Wingti i bin tokaut olsem dispela ol hevi long Not Solomons i kamap taim ol promis long ileksen i no karim kaikai. Em i tok Melanesian Alaiens pati i bin mekim ol dispela promis long 1987 jenerel ileksen.

"Pater Momis na mi yet na Melanesian Alaiens pati tasol i luksave long dispela hevi. Mipela i pilim sori tru long ol papa bilong graun na tu pait bilong ol long kisim gutpela helpim."

"Mipela ol Melanesian i save pilim sori tru long ol pipel. Ol pipel i gat bikpela

wari long lukim graun bilong ol i bagarap. Dispela ol graun i bagarap na ol i no kisim wanpela mani long traim kisim bek graun", Mista Narakobi i tok.

Em i tok olsem MA pati i no gat nem tru long dispela trabel. Wan wan man i wok long traim yusim long kamapim nem bilong ol.

Melanesian Pati tu i no amamas tru ol dispela kain pasin bilong bagarapim ol samting na kilim man.

Jastis Minista i tokaut olsem pati bilong em MA i bilip tru long stretim ol hevi long gutpela pasin. Wingti i tok egens long pasin

Melanesian, em yet i rong tru.

Em i tok nau BCL i luksave pinis long wari bilong ol papa bilong graun. Olsem na ol i wanbel long bung na toktok.


Mista Narakobi i toktok strong olsem PNG i no gat spes bilong ol lain dikteta. MA pati i bilip long stretim trabel long gutpela pasin na i no gat man i ken toktok long wok bilong pati.

Em i tok Melanesian Pati i makim pinis olsem ol i makim pipel. Ol i no makim ol kampani (BCL). Ol i helpim pipel long kisim gutpela helpim long graun bilong ol.

# Namaliu bungim Hawke



• Praim Minista Rabbie Namaliu i raun long Australia nau. Em i bungim Praim Minista bilong Australia na toktok wantaim em long ol samting i kamap nau long PNG.



• Ol man i bin daunim dispela draipela pawa lain long Panguna long las wiken.

i kam long pes 1

# Ol sios i redi

Wantok i painimaut olsem Katolik Bisop Gregory Singkai i bin bungim het bisop bilong Yunaitet Sios long stretim ol plen long go toktok wantaim Francis Ona.

Dispela miting bilong tupela bisop i bin kamap long Tunde 23 Me, long Kieta.

Wantok i no inap long kisim toktok bilong ol bikman bilong SDA sios na United Sios long Not Solomons provins.

Ekting Praim Minista Akoka Doi i tok ol Sekyuriti fos bai stap

min olsem ol bai i no pait inap long 15 de. I inap mekim wok bilong painim Ona na wetim tasol ol toktok bilong Gavman. Ol ami na plis nau bai go sindaun long kem bilong ol long Aropa, Arawa na Panguna.

Em i mekim ol toktok bihain long keabinet i oraitim dispela liklik hap taim stap pait (truce). Dispela em long helpim gavman long traim toktok wantaim Francis Ona.

Mista Doi yet i tokaut olsem em bai larim Sios i go pas

long askim Francis Ona long kam toktok wantaim ol gavman lida. Ol toktok bai stap namel long BCL, Nesanel Gavman, Provinsal Gavman, Francis Ona na Damien Damen.

Gavman i laik traim pinisim kwik dispela hevi. Ol i no laik pait i go het na ol man i dai na bagarapim sindaun bilong ol pipel.

Mista Doi i tok ol bai kamapim strongpela sekyuriti tru long lukautim ol lain husat i kamap long stretim ol dispela toktok wantaim Francis Ona.

**TOTO**

TORO TANIM TELEVISION BILONG EM ON NA LUK-LUK LONG STET OGORISIM RAGBI GEM...

EM I SAPOTIM TIM BILONG WALLY LEWIS EM KWINSLAN...

KAMON KING WALI!! KWINSLAN OL DA WE!

TAIM OL KWINSLAN PUTIM TRAI EM BIKMAUS NOGUT TRU...

A HOO!!

NAU MAL MANINGA KIKIM BAL IGO INSAIT...

MAN, TORO AMAMAS NOGUT TRU NA EM KIRAP NA KIKIM T.V. BILONG EM TU...

TARANGU LEK BILONG EM I PAIA NA BRUK...

# WANTOK

## Taim bilong paitim ol toktok nau

Wanpela taim moa gavman i singaut gen long Francis Ona na lain bilong em long kam sindaun na paitim toktok bilong pinisim ol trabel i kamap nau long Panguna.

Ol sios i tok orait long kamap namel-man na mekim wok bilong stretim dispela kibung bilong gavman wantaim Ona.

Ating nau em i taim bilong sindaun wantaim Ona na lain bilong em na painim rot bilong stretim dispela hevi. Longpela taim tru trabel i wok long go yet na planti pipel i dai pinis. Pasi bilong hait long bus na pait yet bai i no inap long kamapim wanpela gutpela samting. I mas gat taim we trabel bai mas pinis na nau em i taim bilong stretim rot bilong stapim ol trabel ya nau.

Long taim toktok bilong stretim rot bilong kibung i go het, mobeta olgeta arapela lain husat i stap insait tu long dispela trabel i mas stap isi na wet.

Provinsal gavman na nesenel gavman i mekim wok long traime stretim dispela hevi. Na mobeta ol arapela lida bilong kantri i stap isi na mekim wok bilong helpim long stapim dipsela trabel. Maski long sutim toktok i go kam nabaut. Bikos dispela kain pasin bai i no inap long kamapim wanpela gutpela samting. Sapos yu gat gutpela rot yu ting bai inap long stapim dipsela trabel orait mobeta tokim gavman na helpim ol long stretim dispela hevi.

## Tieta grup helpim wok bilong na oda

RAUN RAUN Tieta grup bilong Goroka i soim wanpela nupela pilai bilong ol long 18 Me. Dispela pilai i soim wanem kain wok bilong komyuniti long lo na oda long kantri.

Dairekta bilong Teata grup Saio Avefa i tok dispela pilai i stat long las yia na em i gat 15 man na meri i bin ekt long en.

Stori i no pas long wanpela man. Tieta grup yet i bin toktok wantaim ol opisa

bilong probesen, CIS na tingting bilong komyuniti bihain long ol i kamapim dispela pilai.

Mista Avefa i tok pilai i wokim ol pipel i luksave long wanem wok bilong ol long helpim wok bilong lo na oda.

"I no olsem ol nius long ol niuspepa, redio o televisen. Long hia ol pipel i lukim tru na harim wanem samting i wok long kamap," Mista Avefa i tok.

Tieta grup i bin putim dis-

pela pilai long pablik long lukim long Goroka long 18 Me.

Ol bikman i kamap long dispela taim em Minista bilong Jastis Benard Narakobi, Minista bilong Plis Mathais Ijape na Minista bilong Kalsa na Turisim Berard Beona.

Mista Narakobi i tok amamas long dispela pilai na i tok dispela i ken kamap olsem wanpela rot bilong helpim lo na oda long wan komyuniti.

Mista Avefa i tok bihain long ol i kisim mani i kam long Lo na Oda Sekreteriat, bai ol i stat raun long ol provins. Ol bai i raun i go long Madang, Lae, Simbu, Enga, Western Hailens na Goroka yet.

Dispela raun bai i stat long Julai. Mista Avefa i tok em i wet tasol. Bihain long em i kisim mani em bai i stat toktok wantaim ol provins na redim ol mani bilong dispela raun.

## Simbu gavman helpim ol bisnis

FOPEL Aman na wanpela meri long Simbu provins i kisim dinau mani pinis long Egrikalsa Beng long strongim wok bisnis bilong ol.

Ol i kisim dispela mani bikos Simbu provinsal i bin sapotim toktok bilong dispela lain long kisim dispela dinau.

Provinsal gavman i bin paitim toktok wantaim beng inap 10 pela mun olgeta na i bin amamas taim beng i bin oraitim ol dispela dinau. Simbu provinsal gavman i bin putim K400,000 long beng long sapotim wok bilong ol liklik fama long Simbu. Ol i putim dispela mani long tokim beng olsem

sapos ol fama i no inap bekim ol dinau, provinsal gavman bai helpim ol.

Beng i bin oraitim K19,780 dinau long ol dispela lain.

Primia David Mai i bin makim provinsal gavman long taim ol dispela pipel i bin kisim dispela mani na em i bin tokim ol olsem dispela mani em i no wanpela fri

mani. Mipela bai helpim ol pipel husat i soim olsem ol inap long lukautim ol yet, Mista Mai i tok.

Mista Mai i tok olsem em i wok bilong gavman bilong em long helpim olgeta pipel tasol ol pipel yet mas soim olsem i ken lukautim ol wok gavman i helpim ol long kamapim.

Margeret Korai em i namba wan meri long kisim dispela kain dinau long beng. Em i bin kisim K4,500 long strongim wok em i mekim long groim ol potete.

Misis Korai i bin amamas tru olsem provinsal gavman i bin helpim em long strongim wok bilong em.

### Beng helpim wok kalsa

Papua Niugini Benking Kopresen i givim K5000 long dipatmen bilong Kalsa na Turisim.

Dispela em mani Beng i save givim long Dipatmen long wan wan yia long helpim wok bilong strongim ol kalsa bilong dispela kantri.

Wanpela mausman bilong Beng i tok olsem kalsa em i wanpela bikpela samting bilong Papua Niugini na Beng i bin amamas tru long givim dispela helpim.

Poto i soim Asisten sekreteri bilong dipatmen Soroi Eoelong lephan na sekreteri bilong Beng long raithan.



**BIA?** LAPUN BIABIA I AI GRIS LONG WANPELA YANGPELA MERI...

YUMI GO LANS LONG IS BOROKO!

NO WARIS.

RINSIM MI 25000

KAMPANI 25 0101

NAU EM SAVE KARIM EM RALIN LONG KA BILONG KAMPANI...

LONG POTNAIT YANGPELA MERI I GRISIM BIABIA LONG K50....

BIABIA INAP YU GIVIM MI K50?

NO WARIS!

EM YA! MI RIG!

NAU BIABIA GO LONG HAUS NA MERI BILONG EM SEKIM PE BILONG BIABIA TASOL K50 I NO STAP...

K50 I GO WE LONG PE PAKET?

TASOL BIABIA GIAMANIM MERI BILONG EM. NOGUT TRU...

..GR..LEWA.. BILONG MI... MAMA I SIK NOGUT TRU NA MI GIVIM EM K50 YA.

EM I GIAMAN KRAI...

## Samban amamas long raun

PRIMIA bilong Is Sepik i amamas long raun bilong em i go long Saut Korea.

Nau long dispela taim Provinsal Sekreteri Carmilus Narakobi wantaim tupela opisa bilong em

i stap yet long Korea long pinisim olgeta toktok na pepa wok.

Primia Samban i tokim Wantok Niupewa olsem dipatmen bilong em i wetim tok orait tasol bilong Nesenel Gavman long hamas mani provins

bai i kisim long dispela developmen. Na tu long wanem taim bai ol wok i stat.

Mista Samban i tok em i kisim toksave pinis long gavman na em i lukluk long kisim ol pepa long Trinde 25 Me.

## Mosbi autpesen i pas

BIKPELA Aut Pesen (Out Patients) seksen long Mosbi haus sik pas tude, 25 Me i go inap long taim ol i stretim ol masin bilong givim win long haus sik. Out Patients em i ples we ol sikman i kam kisim marasim o pasim sua na go bek long haus bilong ol.

Moa long 1,000 sikman save kam long Out Patients long

kisim marasin long wan wan de. Ol dispela sikman i mas go nau long ol klinik long kisim ol marasim o pasim sua.

Superintenden bilong haus sik Dokta Gary Ou'u i tok olsem ol wok long dispela masin bai pinis long apinun na bai ol i opim Out Patients gen long Fraide 26 Me.

Dokta Ou'u i tok olsem dispela masin i no gut tumas na i save givim taim long

ol lain husat i go kisim marasin long hap.

Sampela wokman bai stap yet long haus sik long lukautim ol lain husat i kamlong ol embulans. Ol lain husat i kisim sotwin mas go long Hohola o 6 mail klinik long kisim marasin.

Dokta Ou'u i tok olsem ol wokman bilong bikpela haus sik bai go na helpim ol wokman long ol liklik haus sik.

# Ol pipel tekova long plantesin

OL pipel bilong tripela ples long Kokopo long Is Nu Briten, i tekova long wanpela bikpela kakao plantesin long Mande.

Na nau ol i wok long givim tok lukaut long Islands Plantation Management Services

(IPMS). Dispela kampani i save lukautim dispela plantesin.

Provinsal memba bilong Kokopo, Oscar Tamur i tok ol pipel i belhat na ol i tekova long plantesin. Ol pipel bilong tripela ples ya i bin askim Mista Tamur long go witnes long ol i tekova long dispela plantesin.

Mista Tamur i tok em i m e m b a bilong Kokopo na em i sapotim pasin ol pipel bilong em i mekim.

Em i tok IPMS i bin yusim nem bilong ol pipel na dinau long beng long moa long K600,000. Kampani i no bin toksave pas-taim long ol pipel na i

kisim dispela dinau.

Mista Tamur i tok "Bailu plantesin i bilong ol pipel na ol i mas stap insait long wanem kain toktok i kamap long kisim dinau long bengo wanem kain ol divelopmen i IPMS i laik k a m a p i m l o n g plantesin."

Em i tok IPMS i no

save toktok wantaim ol pipel inap 4-pela yia nau. Olsem na ol pipel i belhat.

Mista Tamur i tok moa long 3,000 pipel bilong Tinganavudu, Ulaulatava na Malakuna long hap bilong Kokopo i bin go kamap long Bailu plantesin long samt-

ing olsem 6 klok apinun. Ol i raunim manesa bilong plantesin wantaim famili bilong em na ol i tekova long plantesin.

Ol i tokim ol wokman bilong plantesin long wok yet inap long nupela manesa i kisim wok bilong bosim plantesin.

Mista Tamur i tok ol pipel i no laikim trabel, ol i laik kisim bek plantesin na ol i redi long mekim ol wok bilong ranim dispela plantesin.


Ol plisman long Rabaul i kisim ripot pinis tasol ol i no mekim wanpela samt-ing yet.

OL papa bilong graun we Porgera gol main bai kamap nau, i wok long muvi go sindaun long ol nupela haus em kampani i kirapim. Rowan Callick i bin raun long Porgera las wik na em i kisim pototo bilong dispela famili i bin karim kago bilong ol na lusim olpela haus bilong ol long ples na i go long nupela haus bilong ol. Planti bilong ol dispela pipel husat i go sindaun long ol nupela haus kampani i givim ol i wok long sanapim ol liklik haus bilong ples arere long nupela haus.

## Muvi go long nupela haus



● Olpela haus long ples.



● Kisim ki bilong nupela haus.



● Rausim ol kago long ka.

### SKELIM

### TOK...

Joseph Namsu



## Wanpela moa lo bilong ol lida

Ating yumi mas gat wanpela lo moa long kwalifikesen bilong ol manmeri husat i laik sanap long pablik opis olsem long nesenel ileksen o provinsal ileksen.

Dispela nupela lo i mas tok oslem, huast i laik sanap long ileksen i mas soim olsem famili bilong em yet i sindaun gut na i stap amamas olsem wanpela famili.

Em i olsem, sapos man o meri i marit, orait man o meri bilong em i mas tok yes olsem famili bilong em i sindaun gut aninit long han bilong papa o mama. Sapos man o meri i o marit, orait em i mas soim olsem em yet i no spoilim marit o famili bilong narapela man o meri. Na husat papa o mama i karim em i mas givim tok orait long em i sanap bikos famili i amamas long long gutpela pasin bilong em.

Yumi ken pulim dispela tu i go long ol narapela lida olsem ol Dipatmen het bilong Pablik Sevis na ol bosman bilong ol arapela han bilong gavman.

Nau ol lo bilong yumi i lukluk tasol long banisim rot bilong kisim grismani nai no yusim gut pawa.

Mi tok olsem long wanem planti ol bikman na bikmeri bilong yumi tude i gat hevi long famili bilong ol.

Planti ol yangpela meri i karim nating pikinini bilong ol bikman long rot. Planti ol bikman i lusim ol meri na pikinini i stap long haus o ples na raun amamas wantaim ol yangpela meri olsem ol single man.

Bilong wanem na planti pait i save kamap? Bilong wanem na i gat planti ol tarangu pikinini i no gat papa? Bilong wanem na planti marit i bruk? Dispela kain ol hevi i kamap bikos long kain sindaun bilong ol bikman. Sapos ol i no inap long holim gut famili bilong ol, bai ol i no inap tru long go pas long bikpela famili ol i bosim long wok long opis, provins o kantri bilong yumi.

Lida tru i mas soim olsem em i fitman o i fitmeri long lukautim na lidim famili bilong em long gutpela rot bipo em i ken traime go pas long holim wanpela bikpela wok insait long kantri.

## Gavana Jeneral lukim Is Sepik

GAVANA Jeneral Sir Ignatius Kilage bai i wokim namba wan lukluk raun bilong em i go long Is Sepik long Fonde 25 Me. Em bai i go wantaim meri bilong em Lady Kilage.

Sir Kilage bai i flai long helikopta i go long planti long ol distrik bilong provins na em bai i toktok wantaim ol pipel.

Sir Kilage tu bai i raun long lukim ol nupela divelopment i wok long kamap long

provins. Wanpela long ol em long Gavien Raba Projek.

Em bai i opim tu ol nupela samtung bilong pilai bilong Wewak Kantri Klab long Fraide 26 Me. Sir Kilage bai i go bek long Mosbi long Sande 28 Me.

## Ol wanpisin i traime strong

OL manmeri husat i bin raun long Hagen taun long wiken i bin ranawe nabaut long taim tupela lain wanpisin i bin kam traime strong bilong ol namel long taun. Dispela liklik trabel i bin kamap long Sarere 20 Me namel stret long Hagen taun.


Long Sarere apinun ol lain Jiga na Kukilika i bringim pait

bilong ol i go insait long strit bilong Hagen taun. Na ol manmeri husat i kapsait i kam long taun tu i ranawe nabaut.

Tasol ol plisman i kamap hariap na tro-moi smok bom long rausim ol lain wanpisin ya. Sampela man i kisim liklik bagarap na i go long Hagen haus sik.



**LINZ Austria** - Wanpela mama na pikinini i sambai long stat bilong wanpela resis bilong ol ka i save ron long pawa bilong san. Dispela resis i stap namel long Linz na biktaun bilong Austria, Vienna.



**TOKYO Japan** - Tupela man ya i stap long Tokyo, long tokim ol kampani bilong Japan olsem ol i noken bagarapim ol diwai na ol arapela samting long Brasil. Long raithan em Raoni, wanpela bikman bilong ol asples long Brasil na man long lephan em, Sting wanpela waitman husat i save autim ol song.

## Aquino no inap larim Marcos go bek

PRESIDEN bilong Filipins, Corozon Aquino i no inap larim olupela presiden Ferdinand Marcos i go bek long Filipins.

Mista Marcos i sik tru na i stap long wanpela haus sik long Hawaii. Em i bin askim Misis Aquino sapos em i ken go bek na dai long Filipins.

Ol ripot i tok olsem Misis Aquino i pret olsem ol trabel bai kamap sapos em i larim Mista Marcos i go bek long Filipins.

"Planti sapota bilong Marcos i stap yet long Filipins na sapos em i kam ol dispela lain bai kamapim trabel gen", Misis Marcos i tok.

Planti pipel i tok olsem Misis

Aquino i belhat yet long Mista Marcos Misis Aquino i save tok olsem Mista Marcos yet i bin kilim man bilong em, Benigno Aquino long 1983. Long dispela taim Mista Aquino i bin kam bek long Filipins long salensim Mista Marcos long wok presiden. Tasol sampela lain i sutim em i dai long Manila ples balus.

Las wik ol tokwin i kamap olsem Mista Marcos i dai pinis na planti pipel na ol kampani long Filipins i pret nogut tru.

Long dispela taim tu wanpela lain oposisen long Palamen bilong Filipins i singaut pinis long Misis Aquino long larim Mista Marcos i go bek long Filipins.



**PEKING Saina** - Raisa Gorbachev, meri bilong presiden bilong Rusia i sekan wantaim wanpela man long taim ol i lukluk raun long wanpela ol i kolim Great Saina Wall.



**HONGKONG** - Ol refuji bilong Vietnam i sanap holim banis taim ol i wetim kaikai. Siks tausen (6000) refuji i bin kamap long Hong Kong na ol i stap long ol bot bikos i no gat haus bilong putim ol.



**PANAMA CITY Panama** - Wanpela lain sapota bilong gavman ol i kolim Batalon Dignidad i autim sapot bilong ol. Bihain long dispela ol i bin paitim sampela lain bilong oposisen.

## Francios Burck i nupela lida bilong FLNKS

OL FLNKS lain bilong Nu Kaledonia i makim nupela lida bilong ol pinis. Dispela i kamap bihain long indai bilong olupela lida

bilong ol Jean-Marie Tjibaou long 4 Me.

FLNKS em i wanpela asples lain bilong Nu Kaledonia husat i laik kisim indipen-

dens long Frans.

Dispela man em Francois Burck. Burck i bin wanpela katolik pris bipo na ol i bin makim em long wanpela bikipela bung

i bin kamap Sarere 22 Mas.

Bihain ol i makim em lida bilong FLNKS Mista Burck strongim tingting bilong ol lain bilong em long kisim

Indipendens.

"Tasol yumi i no inap kisim independens long pasin pait. Bai yumi kisim Independens long 1998," em i tok.

Em i tok olsem em i no inap sapotim pasin bilong kilim ol arapela na bagarapim sindaun bilong ol long lukim tingting bilong ol i karim kaikai.

Ol lain FLNKS bai skelim strong bilong ol long taim ileksen i kamap long Nu kaledonia long 11 Jun.

# Moa sapot long protes bilong ol studen

OL rausim pinis ol soldia husat i sam-bai long pasim ol lain studen husat i kamapim wanpela bikpela protes mas

long biktaun bilong Saina, Beijing. Ol studen bilong ol yunivesiti long Beijing i go pas long dispela protes mas

na ol i laik Saina i mas kamap wanpela demokratik kantri. Saina em i wanpela kominis kantri. Planti ara-

pela manmeri long Saina i bin sapotim dispela protes mas tu. Tenpela de i go pinis na planti pipel

i bin bung long wanpela bikpela hap ol i kolim Tiananman Skwea na autim belhevi bilong ol.

Las wik primia bilong Saina Li Peng i givim wanpela oda long ol soldia long pasim dispela protes mas.

Tasol taim ol soldia i laik go long ples ol studen i protes, ol arapela lain i pasim rot na stapim ol ka bilong ol.



PEKING Saina- Ol volentia dokta i givim kaikai long ol dispela lain studen bilong Saina husat i bin autim belhat bilong ol long gavman. Ol dispela lain i straik na i no kaikai.



PEKING Saina- Moa long 500,000 pipel bilong Saina i pulap long dispela ples dispela ples ol i kolim Tiananman Skwea. Ol i laikim ol bikman mas kamapim wanpela demokratik gavman long Saina. Saina em i wanpela kominis kantri.



KABUL Afganistan- Wanpela lapun meri Afgan i krai bihain ol rebel paitman i pairapim sampela bom na bagarapim haus bilong em.




BUENOS AIRES, Ajentina- Presiden bilong Argentina, Raul Alfonso Lephani sekan wantaim man husat bai kisim ples bilong em Carlos Menem. Menem i bin winim bikpela ileksen i bin kamap long Ajentina.

## Pe em liklik tru...Teis gut tru!



10t



10t



10t



NAU 10t

I NO PEIM MOA

## Painim rais long taun

Dia Edita,  
Mi laik bekim pas bilong man ya Benjamin Tepra. Pas bilong em i bin kamap long *Wantok* Namba 748.  
Pas bilong Benjamin Tepra i tok olsem memba i no save kisim developmen i go long ilektoret bilong em long hap bilong Lowa Kagua.  
Mi laik tok olsem Benjamin na planti ol arapela manmeri husat i salim pas long *Wantok* i save daunim ol memba bilong ol oltaim. Mi no amamas tumas long dispela pasin. Bikos planti ol dispela pipel

i lusim ples bilong ol na i go sindaun long narapela provins na ol i save salim pas.  
Mi laik tokim yupela, sapos yupela i stap longwe bai yupela i save olsem wanem memba i developim ples o nogat? Yumi save painim rais na tinpis na go stap long taun.  
Mi bilong Goroka tasol nau mi painim mani na kam stap long Mosbi.  
**Yanuvu Elon,**  
**P.O.Box 7162, Boroko.**

Dia Edita,  
Mi wanpela man bilong Saten Hailans provins. Mi wok long wanpela plantesin long hap bilong Wes Nu Briten provins inap long 12-pela yia nau. Mi bin go wok long en long 1976.  
Mi gat bikpela wari nau bikos olpela kampani i lusim dispela plantesin na nau wanpela nupela kampani gen i kam kisim ples. Long dispela taim

## No gat sevis pe

mipela ol dispela lain i bin askim kampani long givim sevis pe bilong mipela. Tasol ol i kirap na tokim mipela olsem gavman i katim pinis na mipela i no inap long kisim sevis pe.  
Mi laik save. Wanem taim tru gavman i katim dispela sevis pe bilong ol wokman? Mi

yet i no klia olsem na mi askim yupela.  
Planti bilong mipela i bin lusim provins bilong mipela na i kam wok long ol plantesin. Na mipela lapun na waitgras i kamap long sampela na sampela ol i kela pinis. Olsem na mipela i mas gat sevis pe sapos mipela i

winim taim long wok wantaim wanpela kampani.  
Mi laik gavman bilong kantri i luk-save long dispela hevi bilong mipela na traim stretim.  
**Jack Nanape,**  
**P O Box 438,**  
**Kimbe.**

## Sekyuriti i helpim plisman

Dia Edita,  
Mi stap long Lae na mi wok long wanpela sekyuriti kampani ol i kolim Sentry Security Service.  
Mi lukim olsem wok bilong ol sekyuriti sevis em i gutpela tru. Dispela kain wok i helpim long daunim hevi bilong lo na oda. Na tu i givim han long wok bilong ol plisman. Ol sekyuriti i was i stap na ol i stapim ol trabelman long brukim ol haus na stilim ol samting. O sapos trabel i kamap ol i hariap long tok-save long ol plisman.

Ating sapos ol tarangu plisman tasol i mekim wok bai ol i no inap long stapim kain kain trabel i kamap. Mi no daunim nem bilong ol plisman bilong yumi long kantri, nogat. Tasol mi ting olsem sekyuriti sevis i helpim wok bilong ol plisman.  
Mi laik gavman bilong yumi i mas luk-save long dispela na helpim wok bilong ol sekyuriti sevis.  
**Petrus Afiangoui,**  
**P.O. Box 3667,**  
**Lae.**

## Sekap long wok bilong stapim trabel

Dia Edita,  
Mi makim maus bilong ol pipel bilong PNG na autim wari bilong mipela i go long Praim Minista bilong yumi, Rabbie Namaliu.  
Long taim bilong Wingti gavman, ol pipel i tok mipela i no lukim kain pasin long Wingti gavman. Na taim ol trabel i kamap long sampela hap insait long kantri em i tokim ol plisman long go arestim o go stapim dispela trabel. Long dispela taim ol i tok mipela i stap orait.  
Mipela i salim bikpela tok amamas long Praim Minista long wok em i mekim long go pas long kantri bilong yumi.  
Tasol mi laik Praim Minista i lukluk long dispela ol toktok bilong mipela ol pipel bilong ples.  
Yupela i bin wokim wanem kain lo i tok long kukim haus nabaut long ples we trabel i kamap long en? Mipela i amamas long lo i traim long stapim ol trabel i wok long kamap nabaut long ol ples.  
Tasol sapos ol haus bilong mipela i paia bai mipela i go slip we? Yumi save olsem ol pik,

dok, kapul, pisin na ol wel dok i save slip nabaut long bus. Watpo bai mipela ol man tu i slip long bus? Mipela i go slip long bus bikos ol plisman i kukim ol haus bilong mipela.  
Long taim ol plisman i kam insait long painim ol trabelman, ol i mekim kain pasin olsem:  
1) Ol i bagarapim ol yangpela meri long laik bilong ol yet.  
2) Ol i go askim ol lapun long ol yangpela meri.  
3) Ol i kilim ol draipela tit i krungut pik na katim nabaut.  
4) Ol i karim ol yangpela meri long Kagua i go long lalibu na ol meri bilong Pangia laibu tu olsem.  
5) Ol man i baim ol gutpela gutpela matras na pilo wantaim ol gutpela samting mipela i putim long en, ol i kisim long laik bilong ol.  
6) Ol plisman i askim ol yangpela meri sapos ol i marit o nogat. Na sapos ol meri i pret na giaman, bai ol i tok ol brata tru bilong ol em ol man bilong ol.

Dispela kain pasin i kamap bikpela. Olsem na mipela i askim yu Praim Minista na ol memba bilong yu long lukluk long dispela askim bilong mipela.  
**Yamo Bakira,**  
**P.O. Box 116, Kagua.**

## Helpim olgeta yut

Dia Edita,  
Mi laik autim wari bilong mi long *Wantok* Niuspepa. Mi harim olsem ol S. D.A yut i bin wokabaut long hailens i kam long Mosbi. Na tu mi save lukim ol i flai nabaut long ol ka i go i kam long haiwe na mi save sem.  
Mi laik askim yut minista long lukluk gut long ol dispela kain samting. I no ol S.D.A yut tasol i stap long kantri. I gat ol narapela vilis yut na ol arapela kain yut grup. Na ol i mas kisim helpim tu. Em tasol na sapos yu husat man laik bekim pas bilong mi, putim tasol long *Wantok*.  
**Taurama Boys,**  
**Luke Ulopo,**  
**Port Moresby.**

## Stretim rot bilong ka

Dia Edita,  
Mi wanpela boi Popondeta na mi lukim tru pasin bilong ol wokman bilong gavman i wok long raun nabaut long ka bilong gavman. Na mi lukim pas bilong Lawrence Paku long *Wantok* namba 749 we em i toktok long dispela hevi. Olsem na mi salim pas long saposim toktok bilong em.  
Mi bin raun long planti ol provins insait long kantri bilong yumi. Na mi no save lukim ol wokman bilong gavman i paulim nabaut ol ka olsem.  
Watpo na Oro Provinsal Gavman i tingting tumas long baim ol ka na i no tingim wok bilong helpim sindaun bilong ol pipel?

Sapos yu kam long Popondeta bai yu lukim hul i kamap long ples we kolta i stap long rot namel long taun na Ela Motors.  
Mobeta provinsal gavman i yusim gut mani na kisim ol wokman long wokim kain wok bilong stretim ol bagarap i kamap long ol rot insait long provins. Nogut wanpela taim yupela ol bikman i spit long ka bilong gavman na ka i kapsait long dispela bikpela hul i stap long rot.  
Plis opim ai bilong yupela na mekim ol wok bilong helpim provins long 1989.  
**Tapamo Yanduk,**  
**Hiagturu Oil Palm,**  
**Popondeta.**



## No gat gutpela bekim

Dia Edita,  
Mi laik save watpo na gavman i save apim tumas pe bilong baim sip na blaus. Traim na daunim pe liklik.  
Long taim yupela i apim pe bilong sip na balus, ol dispela lain

pipel husat i gat wok i save painim isi long raun long ol arapela hap. Na mipela sampela husat i no gat wok i save painim taim tru ya. Bai mipela i kisim mani we na tromoi long

tiket bilong sip o balus?  
Mipela i save brukim bun long wok. Na liklik mani mipela i kisim long wok i no inap long baim tiket bilong go lukim papamama bilong mipela.  
Nau pe bilong sip na ol balus i go antap na yupela i kisim bikpela mani tru long mipela. Mipela ol pipel i save kisim wanem kain gutpela bekim long yupela ol lain i papa bilong ol dispela sip na balus?  
Mi laik gavman bilong Namaliu i mas lukuk long dispela hevi bilong mipela ol grasrut.  
**Roy Elin,**  
**P.O.Box 162,**  
**Kimbe.**

## Las Wiru i no bilong PNG

Dia Edita,  
Mi wanpela manki bilong Marapini vilis insait long las Wiru Pagia long Sauten Hailans provins.  
Mi laik autim dispela wari i go long nesenal memba Roy Yaki na provinsal memba Joe Walo Kuna. Tupela i tingting yet long 12,000 pipel bilong ol o nogat?  
Taim tupela i kamap memba mi no bin lukim wanpela bikpela haus sik o gavman stesin long ilektoret bilong tupela.  
Mipela i save kisim helpim long ol narapela kantri bilong Komanwelt. Olsem na i luk olsem dispela konstituensi i no moa bilong PNG.  
**James Kaku,**  
**Koliri Mari Kei,**  
**P.O. Box 87**  
**Pangia, Sauten Hailans.**

## Ol Sepik i autim wari long haiwe

Dia Edita  
Mi wanpela manki bilong ples Witiitai insait long Wes Sepik. Mi rait long *Wantok* long saposim pas bilong brata Tommy Yalmo. Yalmo bilong liklik ples Laingim insait long Wes Sepik tu.  
Pas bilong brata ya i bin toktok long haiwe namel long Is na Wes Sepik provins. Mipela ol pipel bilong tupela provins i wari tru na askim gavman long helpim.  
Mi laik gavman bilong tupela provins i mas katim sampela mani i go long nesenal gavman. Na nesenal gavman bai stretim olgeta rot na putim

kolta.  
Mipela i gat wari long haiwe stat long Wewak Taun na go olgeta long Yankok. Mipela ol pipel bilong Is na Wes Sepik i laik ol i mas putim kolta. Mipela i les pinis long ran long karanas rot.  
Mipela i save ran i go ikam na as bilong mipela i pen pinis. Olsem na mipela ol pipel i askim gavman bilong Wes na Is Sepik long lukluk long dispela hevi.  
Dispela em wanpela bikpela hevi tru i kamap nau long Is na Wes Sepik. Gavman i mas stretim kwik.  
Gabriel Anio Paulus  
CM Buang  
Wes Sepik Provins

## Pawa ben i katim lewa

Dia Edita  
Mi wanpela manki bilong ples Drekikir Sab Distrik long Is Sepik provins. Mi laik saposim pas bilong wantok ya Rosemary Kelly. Pas bilong em i bin kamap long *Wantok* Fonde 10-16, Novemba, 1988.  
Susa ya i bin komplek long dispela man ya Soney Taken. Em i lusim ples na stap long Buka. Em i painim pipia rais bilong ol bilak skin pipel.  
Soney, mi laik askim yu. Long wanem as tru na yu bin rait na bagarapim nem bilong ol Sepik long musik. Ol Is Sepik tu i lapun long dispela wok ya.  
Sapos yu harim nek bilong ol na karai, rausim aiwaras tasol na painim rot i kam long Is Sepik. Orait long Wewak o Vanimo, yu ken stretim laik long Sepik Disko. I gat ol kain pawa ben i ken stretim tu laik bilong yu. Ol pawa ben em Solipage, Ararua, Raus Isi, Thumbs, Hollyroots, Wamroots na ol arapela pawa ben. I gat planti ol arapela pawa

ben tu i stap long rurel eria i ken stretim laik bilong yu.  
Brata, mi sori long toktok bilong yu tasol mi ken skulim yu. Yu yet i klia pinis long manki Is "em nogut ya".  
Wanpela samting tu mi laik tok-save em olsem. Mipela ol manki Sepik i gat planti save. Tasol i no gat ples bilong katim daun ol singsing. Olsem na yu no save harim tumas ol singsing bilong Sepik.  
Mi yet i ken winim long pilai gita, dram na tu kibot. Yu no save long wanpela samting. Ol manki Tolai tu i no amamas tumas long yu yusim nem bilong Tolai long raitim pas bilong yu.  
Husat brata i laik saposim pas o egens rait long *Wantok*. Mi bai amamas tru long lukim pas bilong yupela.  
**Pat Apsalai**  
**Lus Developmen Koperesen**  
**P.O. Box 494**  
**Wewak, ESP**





**Take me  
home for  
dinner!  
TODAY!**



**Kai Kai  
Kakaruk**  
YOUR FAMILY'S  
FAVOURITE  
MEAL!

**NIUGINI  
Tablebirds**



# STRONGPELA 4WD LONG WOL




## LAND CRUISER

Long kamap nambawan, yu mas stap strong! Ol i bin testim Toyota Land Cruiser long Hailans bipo long ol i stat long salim bikos Toyota i save olsem ol dispela rot i no isi long draiv long en!

I gat nambawan pats and sevis bilong dispela ka long olgeta hap bilong kantri olsem na long taim yu baim Toyota Land Cruiser, yu baim nambawan ka tru!

**TEST — DRAIVIM  
LAND CRUISER TUDE!**



LAND CRUISER  
CAB / CHASSIS  
PETROL OR DIESEL



LAND CRUISER  
UTILITY  
PETROL OR DIESEL



LAND CRUISER  
SWB HARDTOP  
PETROL OR DIESEL



LAND CRUISER  
G-SERIES WAGON  
PETROL OR DIESEL



**ELA MOTORS TOYOTA**

WHEELS FOR THE NATION

PORT MORESBY 229400 • LAE 422322 • RABAUL 921988 • MADANG 822188 • GOROKA 721844 • MT HAGEN 521888 •  
WEWAK 862255 • POPONDETTA 297266 • KAVIENG 942132 • KIETA 956188 • KIMBE 935155 • TABUBIL 589060 • VANIMO 871254

MINISTA bilong Sivil Aviesen Benard Vogae i bin wokim wanpela longpela lukluk raun long Kandrian/Glosta open ilektoret.

Astingting bilong dispela wokabaut em bilong kisim ol wari bilong ol pipel husat i votim em ol dispela wari autim long nesanel palem. Em i bin toktok tu long Nesanel Developmen Fan (NDF), mani bilong helpim ol skul na mani bilong lukau-

tim wok trenspot.

Dispela wokabaut bilong Minista i stat long boda bilong Is na Wes Nu Briten.

Mista Vogae i bin toktok long ol pipel long ol rot we nesanel gavman i save bihainim long helpim ol. Em i bin tokaut tu long wanpela bikpela progrem bai i kamap long Kandrian/Glosta.

Ol i kolim dispela progrem long Kandrian/Glosta Intagreted Progrem. Nesanel

gavman i tok orait pinis long progrem i stat long 1990.

Gavman bilong Australia bai i putim mani long dispela progrem na bai i wok inap long 8-pela yia olgeta.

Progrem bai i karamapim wok didman, forestri, edukesen, helt, rot wantaim bris na ol wok bisnis.

Dispela i wanpela gutpela wokabaut na em i namba wan taim tru Mista Vogae i raun

olsem bihain long em i kamap nesanel memba. Bipo Mista Vogae i bin primia bilong Wes Nu Briten.

Mista Vogae i wokim tok kros bilong em long ol provinal memba bilong Kandrian/Glosta long wanem ol i no save go raun long ol ilektoret na kisim wari bilong ol pipel.

Long wanem planti ol askim ol pipel i givim, em provinsal memba inap bekim.

## Vogae soim pes long Kandrien-Glosta




• Bernard Vogae

# Long olgeta hap long PNG nau na taim bihain tu.

## Wanem haus moni na benk i ken halpim yu.



**YU AMAMAS LONG WESTPAC  
BENK EM KEN HALPIM YU.**



**Westpac ken halpim yu**

## Nupela bris long Kiunga i bruk

NUPELA bris em ol i wokim long Kiunga i bin bruk i go daun longb Fonde 18 Me. Kos bilong sanapim dispela bris inap long hap milien kina.

Kampani ol i kolim Curtaim-Star Joint Venture i bin kism kontrak long Not Flai Lokal Gavman Kaunsil long sanapim dispela bris.

Wanpela mausman bilong kampani i tok olsem ren na mak bilong wara long Flai Riva i mekim na dispela bris i bruk.

Em i tok wara inap long mak bilong 3.1 mita. Na sapos wara i go daunbilo moa bai ol sip i pas i stap long Kiunga.

Em i tok ol i wokim dispela bris long stil na simen na 700 ton greval. Tasol senis long mak bilong wara i mekim na bris i no sindaun gut na i bruk i go daun.

Long Trinde nait na Fonde moning bikpela ren tru i bin pundaun. Na wara i go insait long gravel ol i putim long bris na hevi bilong en i mekim na bris i bruk i go daun.

Kostu bikpela winis bilong kampani i pundaun i go daun tu long Flai riva. Tasol ol wokman i bin strong na pasim i go long narapela bikpela winis.

Kampani ya bai stretim ol bagarap na sanapim gen dispela bris.

### CALLING ALL BANDS

**Mipela salim  
samting bilong Musik...**

Emplifaia  
Spika  
Miksa  
Dram  
Kibod  
Maut Ogen  
let bilong Gita  
Skin bilong Dram  
Ol Songbuk na Kodbuk  
Mekim pairap bilong gita  
nating olsem pawa gita  
wantaim pick-up bilong gita.  
K33.50 tasol.



**Rook's Radio, P.O. Box 191,  
Lae. P.N.G. Telefon: 424616**

I kam long Dipatmen bilong Helt UNICEF na WHO


## Ol video givim skul long gutpela sindaun

OL VIDEO i kamap long planti hap bilong Papua Niugini nau na dispela em i wanpela gutpela pasin bilong autim ol nius bilong helt long ol pipel. Planti skul, haus sik na ol arapela haus long Papua Niugini i gat ol TV tu na ol i ken lukim helt nius i kamap long EMTV.

Helt Dipatmen i luksave long dispela na i yusim video long autim ol helt nius i go long ol pipel. Dipatmen i givim kontrak pinis long ol kampani olsem First Take Productions, Pacific View Production na Frank Mills and Associates long kamapim sampela video bilong sik AIDS, Imunaisesen na ol arapela samting. Na dipatmen bai salim i go long ol provinsal helt dipatmen.

Helt Dipatmen i kisim sapot pinis long Wol Helt Ogenaisesen (WHO) na UNICEF na wok wantaim First Take Production long kamapim wanpela video i tokaut long pasin bilong lukautim gut ol bebi. Wanpela bikpela kampani, Johnson and Johnson i sponsa long dispela wok na dispela video bai kamap long tok pisin, motu na Inglis. I gat 400 video i redi nau long go aut long ol pipel.

Helt dipatmen i wok tu wantaim ol sios na i wok wantaim Adventis Helt



• Ol lain Wokabaut Tieta i kamapim wanpela pilai.

Sevis long tokaut long ol pasin nogut bilong dring, spak na mekim nabaut. Dispela ol i autim long wan-

pela progrem ol i kolim Tingim Helt i save kamap long EMTV. Dipatmen bai yusim dispela progrem tu long

toksave long ol pipel.

Narapela bikpela wok em long yusim ol lokal Tieta grup long autim ol pilai long sik AIDS, Imunaisesen na pasin nogut bilong dring spak.

Ol i putim ol liklik pilai bilong Wokabout Tieta na Nesanel Kepitel Tieta long ol video na ol arapela pipel i ken lukim long bihaintaim.

Planti stua bilong salim ol video i kamap nau na ol dispela stua i ken salim ol helt video long planti pipel. Dispela i kamap long wanpela video Lo Rifom Komisnin i kamapim ol i kolim 'Stap Isi'. Dispela video i soim ol hevi i save kamap long ol famili taim papa i paitim mama na ol hevi bilong dring spak.

Helt dipatmen i yusim dispela Video (Stap Isi) long lainim ol lida long ol komyuniti long ol pasin negut i save kamap long komyuniti. Ol pasin bilong go painim ol pamuk merina kisim ol sik nogut olsem AIDS na ol arapela sik.

Dipatmen bai baim sampela masin bilong lukim ol video bilong salim i go long ol provinsal helt opis na ol i ken yusim long soim ol Helt video long ol pipel. Ol i ken yusim ol bateri bilong ka long ronim ol dispela masin long ol ples we i no gat pawa.

## Kerowagi soim rot bilong stretim sik kus

Ol HELT woka long Kerowagi i lainim pinis nupela pasin bilong luksave long ol pikinini, husat i gat krismas aninit long 5 yia na husat i gat kus.

Kus em i wanpela sik i save birua long ol pikinini. Na insait long 4 pela pikinini husat i save dai long ol haus sik, wanpela bilong ol i dai bikos em i gat kus.

Ol i bin kamapim wanpela kos ol i kolim ARI, long lainim ol helt woka long helpim lain husat i gat kus. ARI em Acute Respiratory Infection na dispela em i sik bilong ol waitlewa. Sik i ken kamap long nek o nus i go inap long ol waitlewa. Sampela i no strong tumas. Tasol ol arapela i ken kamapim ol bikpela sik olsem nimonia (pneumonia).

Long ol etpos em i no isi long luksave long wanem hap tru dispela sik i stap. Long nus o long nek o long waitlewa. Tasol ol APOi ken save sapos dispela sik i bikpela o nogat. Ol i save sekap sapos lewa i wok strong o nogat. Ol i save kaunim hamas taim lewa save pamim blut i go long bodi na ol i save lukluk long bros bilong sikman tu.

Dispela tupela samting bai tokaut sapos sikman i gat bikpela o liklik kus.

Sapos papa o mama i karim pikinini wantaim sik kus i kam long Kerowagi helt senta, APO bai kaunim hamas taim lewa i pamim blut i go long bodi. Sapos mak i abrusim 40 ol dokta bai luksave olsem dispela pikinini i gat sotwin.

Bihain bai APO i lukluk long bros bilong pikinini. Em nau bai APO i luksave long wanem kain marasin em bai givim long pikinini. I gat wanpela lista i stap long helpim APO i mekim dispela wok.

APO bai salim pikinini i go long klinik o bikpela haus sik sapos em i luksave olsem;

- pikinini i no inap dring wara

- pikinini i airaun
- pikinini i guria
- pikinini i sotwin na kala bilong skin i senis
- Kus i stap tupela wik na i no pinis yet.

Pastaim tru ol helt woka long Kerowagi i bungim sampela hevi long luksave long kain kain kus. Nau em i isi tru. Distrik Helt Ekstensen Opisa (DHEO) long Kerowagi Robinson Poi i tok olsem planti wokman bilong em i no givim planti sut tumas long ol lain husat i gat kus na planti mama i save pinis long ol pasin bilong lukautim pikinini husat i gat kus.

Ol APO i tokim ol mama long givim planti wara na gutpela kaikai long pikinini, klinim nus bilong ol, na tu long was long ol long smok, ren na long taim bilong kol. Ol mama i save tu olsem sapos pikinini i sotwin, orait ol i mas kisim pikinini i go kwiktam long haus sik.

"Planti pipel i ting olsem sut inap long stretim ol kain kain sik tasol nau ol APO i tokim ol na ol i luksave olsem sut i no inap stretim ol liklik kus. Sapos mama i lukautim gut pikinini long haus bai pikinini i no inap kisim kus", Poi i tok.

ARI projek long Kerowagi i kamap gut tru bikos planti pipel i bin sapotim dispela wok. Ol pipel bilong Kerowagi, ol helt woka bilong Simbu provinsal gavman, ol lain bilong Goroka Rijonal Disis Kontrol na ol wokman bilong Wol Helt Ogenaisesen (WHO). Ol i bin skelim ol wok i kamap long long ARI projek long Kerowagi long Septemba 1988. Ol bai lukluk gen long ol dispela wok long Septemba 1989.

Ol wok i kamap nau long Kerowagi em i olsem piksa bilong ol wok bai kamap long ol arapela hap bilong Simbu na ol arapela hap bilong Papua Niugini long bihaintaim.

## EMTV stap yet

NUPELA Eksekutiv Dairekta bilong EMTV, John Taylor i tokaut pinis olsem em bai sapotim yet wok bilong autim ol toksave bilong helt long EMTV. Long wanpela bung wantaim ol bikman bilong Helt Dipatmen, Mista Taylor i tok olsem em i makim wantaim wokmeri bilong EMTV, Eva Arni long helpim Helt Hpatmen i kamapim ol helt toksave.

Ol dispela toksave

bai kamap long Tok Pisin na bai tokaut long ol kain sik olsem TB, Taifoid, Nutrisen, spak nabaut, na olsem wanem pasin bilong smok i ken bagarapim bodi. Ol bai toksave tu long ol pasin bilong lukautim tit na ol pasin bilong givim sut bilong stapim ol sik.

Ol dispela toksave bai kamap long redio na ol niuspepa long bihaintaim.

## Toksave bilong ol helt woka

Mipela laik tok amamas long olgeta helt wokman na meri husat i bin wok long Imunaisesen Wik long Septemba 1988. Yupela i bin mekim gutpela wok tru. Yupela i bin givim moa long 60,000 sut long 35,000 pikinini. Dispela em i bikpela namba tru.

Nesanel Imunaisesen Wik long 1989 bai stat long 30 Oktoba na pinis long 3 Novemba. Yumi mas redi nau long bikpela wok bai kamap long dispela yia. Em i taim nau long stretim komiti bilong yu na sapos yupela laikim sampela helpim, oraitim toksave long mipela long hetkwata.

DIPATMEN i gat yet planti ol buk bilong toksave na lainim papamama long pikinini i kisim marasin bilong banisim sik i stap long tok Inglis, Pigin na Motu. Wik bilong banisim sik (Imunaisesen Wik) i pinis tasol skul bilong lainim pasin bilong helt na lukautim skin bai stap olgeta taim.

Ol samting APO i lukim	Tingting bilong APO	Marasin
Kus tasol	liklik ARI	Nogat marasin. Toksave long mama long ol samting mama i ken mekim long haus long stretim kus
Kus na Sotwin	Sampela ARI	5 pela de - sut
Bikpela kus na bros i go insait	Bikpela ARI	salim i go long bikpela haus sik.

# Gutpela tit i mekim yu luk smat moa

PLANTI pipel i laikim gutpela strongpela tit. Oli laik luk smat, tok-tok na ol arapela i ken harim na tu kaikaim ol samting ol i laikim. Tasol ol i les tru long ol pen i save kamap taim tit i bagarap na taim dentis i rausim tit Bilong wanem na planti pipel i save kisim taim stret long tit bilong ol? Long Papua Niugini planti lain i gat ol brukbruk tit na ol arapela i lusim tit pinis. Planti pipel i ting olsem ol tit i mas ros na yu no inap mekim wanpela samting long stretim dispela wari. Tasol dispela i no tru. Bodi bilong man na tit tu i ken stap gut oltaim sapos yu lukautim gut.

Narapela samting' em ol pipel i no save long ol pasin bilong

lukautim tit bilong ol na dispela i save kamapim tripela bikpela sik bilong ol tit Ol dispela sik em, Sik bilong mit arere long tit (Gum Disease), tit i gat hul na kensa bilong maus.

Gum Disease em i wanpela bikpela sik bilong tit insait long PNG. Planti pipel i no gat tit bikos mit arere long tit bilong ol i bagarap. Pastaim tru bai mit i sulap. Bihain bai blut kamap na tit bai kamaut.

## Brasim Tit

Dispela sik i save kamap bikos ol tit i doti. Jerm i save gro long ol hap kaikai i pas long tit. Yu ken stapim dispela sik sapos yu brasim tit bilong yu bihain long taim yu kaikai. Em i gutpela tu long wasim tit bilong yu wantaim solwara. Sapos no gat

marasin bilong wasim tit, yu ken yusim beking paura. Beking paura i no kostim bikpela mani tasol em i no swit tumas. Yu mas go na lukim wanpel dokta sapos blut i kamap long taim yu brasim tit. Narapela samting ol pipel ken yusim ol i kolim Dental Lloss. Dental Floss em i wanpela spesel tret ol i save yusim long rausim hap kaikai i pas long ol tit.

Tit i gat hul em i narapela sik bilong maus. Ol jerm i save kamapim ol hul insait long ol tit. Sampela taim yu ken lukim ol dispela hul, na long ol arapela taim bai yu pilim pen taim yu kaikai. Dispela pen i save kamap long taim yu kaikaim ol switpela samting olsem ol loli na swit basket. Ol dispela kaikai i no inap strongim bodi



bilong yu. Tasol ol bai bagarapim tit.

Namba tri sik bilong

maus em Maus Kensa. Dispela sik i no bikpela tumas long

## Kaikaim Gutpela Kaikai

Papua Niugini tasol em i wanpela sik nogut tru. Maus kensa i save kamap long ol lain husat i save smok na kaikai buai tumas.

Pastaim tru liklik sua save kamap long maus. Bihain bai dispela sua i kamap bikpela. Sapos sua i

liklik yet na yu kisim marasin, dispela sua bai pinis. Yu ken dai sapos dispela sua i kamap bikpela.

Yu mas lukim dokta hariap sapos yu gat wanpela sua long maus na em i no pinis bihain long tupela wik.

## Hepi Betde Helt Nius

Helt Nius i bin stat long Epril 1988. Wanpela yia i pinis. Em i namba wan betde bilong Helt Nius.

Taim Papua Niugini i no kisim independens yet i bin gat wanpela niuspepa bilong Helt Dipatmen ol i save kolim Helt Bulletin.

Ol poto bilong ol helt woka tasol i bin stap long dispela Helt Bulletin. I no gat wanpela toksave bilong imunaisesen o famili plening o ol arapela samting bilong stretim sindaun bilong ol pipel.

Na tu Helt Bulletin i no save go aut long ol helt sinta na ol etpos. Olsem na ol pipel long ol ples i no save gut long wok bilong helt Dipatmen. Ol pipel i no kisim ol gutpela toksave olsem ol i kisim nau.

Nau Helt Nius i go aut long olgeta liklik viles na dispela i helpim ol pipel i kisim gutpela save long wok bilong dipatmen na tu long stretim sindaun bilong ol.

Olsem na mipela tok amamas long bikpela wok Helt Nius i mekim long skulim ol pipel bilong dispela kantri long kamapim gutpela sindaun.

Gut lak long olgeta wok yupela bai mekim long bihaintaim.

**Sepa Leke**  
**Disis Kontrol Opisa**  
**Helt Divisen**

## Helt Nius i bekim pas

Dia Mista Leke na ol helt woka long NCD. Tenkyu tru long gutpela toktok long pas bilong yu. Planti lain husat i save ritim Helt Nius i no save olsem mipela save prinim 12,000 arapela Helt Nius long wan wan mun na salim i go long olgeta helt senta na ol skul long Papua Niugini.

Ol i prinim moa long wan milion Helt Nius long Inglis na Tok Pisin na i givim gutpela toksave long ol helt woka na ol pablik long ol samting i kamap nau. Mipela tok tenkyu long ol wokman bilong ol Niuspepa, helt dipatmen na tupela lain ya, WHO na UNICEF long ol helpim ol i givim mipela.

Sapos yupela laik salim ol pas o stori, salim i kam long PNG Helt Nius, P O Box 3991 Boroko Helt Nius.

**M&M'S**  
**PEANUT** MILK CHOCOLATE COVERED PEANUTS IN A THIN CRISP SHELL

**M&M'S**  
**PLAIN** BITE SIZE PIECES OF MILK CHOCOLATE COATED WITH A THIN CRISP SHELL

**NAMBAWAN LIKLIK SOKLET TRU BAI WARA NATING LONG MAUS....**

# Kisim moa save long saveman

WOK bilong kamapim ol helt progrem long skulim ol pipel long stretim sindaun bilong ol em i no wanpela isi wok. Dispela hevi i wankain long ol kantri we ol pipel i gat wanpela tokples na planti i kisim gutpela skul.

Long Papua Niugini em i hatwok tru long kamapim ol progrem ol pipel bilong ples i ken lukim na save kwiktaim.

Helt Dipatmen i bin kamapim wanpela bung long kain kain saveman long kisim tingting bilong ol long helt na ol kain kain sik i kamap long Papua Niugini. Planti gutpela tingting i kamap long dispela bung.

Bihain long dispela bung planti wok painimaut i bin kamap na dispela i

helpim ol helt woka long strongim na mekimgut wok bilong ol long kantri.

Long Janueri 1989, wanpela kampani ol i kolim First Marketsearch i mekim wanpela wok bilong helt dipatmen long painimaut wanem samting ol pipel i save long sik pekpek wara.

Pekpek wara em i wanpela sik nogut na planti pikinini i save dai long dispela sik. Planti pipel long Papua Niugini i save kisim dispela sik na go kisim marasin long haus sik.

Narapela bikpela samting em ol i bin luksave long wanpela marasin i ken daunim ol sik long bodi. Dispela marasin i no inap stapim pekpek wara. Tasol ol papamama i ken givim marasin ya

long ol pikinini husat i gat sik pekpek wara long strongim bodi bilong ol. Ol i kolim dispela marasin ORT. First Marketsearch i bin toktok wantaim ol pipel long Hula, Guaranomu, Bereina, Tapini na Efogi.

Planti mama i bin tokim ol olsem pekpek wara em i wanpela samting nating na i no save strong tumas. Tasol planti bilong ol i no save olsem ol inap

long stapim dispela sik i kamap long ol pikinini bilong ol.

Ol mama i luksave tu long ol samting i save kamap long skin bilong ol pikinini taim oli pekpek wara. Oli luksave olsem skin i no inap strong, pikinini bai pekpek wara planti taim na ai bilong pikinini bai go insait olgeta. Tasol ol mama i tok olsem oli ting ol liklik binatang save mekim ol ai

bilong pikinini bai go insait.

Ol mama i luksave olsem pekpek wara i kamap bikos ol pikinini i no kisim gutpela kaikai, ol i dring doti wara na stap long ples doti.

Planti arapela mama i gat kringki tingting olsem sapos ol yet pekpek wara na pikinini bilong ol i dringim susu, dispela pikinini bai kisim pekpek wara tu. Oli

tok olsem em i no gutpela long givim susu long pikinini taim oli gat sik mun. I gat sampela bilip tu olsem sapos ol papamama i kros bai pikinini i kisim pekpek wara. Tasol oli no save olsem ol dispela toktok na tingting em i no tru. Oli liklik binatang save kamapim pekpek wara.

Em i gutpela long luksave olsem planti

mama save go long klinik et pos. Tasol planti bilong oli no save olsem ol pikinini ken dai sapos planti wara long bodi bilong pikinini i lus.

Ol mama i harim pinis olsem em i gutpela long givim solwara long pikinini taim em i gat sik pekpek wara. Olsem na taim pikinini i kisim dispela sik oli no inap karim em i go long haus sik.

## Ol Daru tingim gutpela sindaun

OL Pipel bilong Daru i bin amamasim Wol Helt De long 3 Epril i go inap 7 Epril. Alois Nakamole na Terence Akima bilong Helt divisen long Daru i bin lukautim progrem.

Bikpela tingting long dispela wik em long autim toksave na mekim ol pipel i luksave long ol kain kain sik na hevi i kamap nau long Westen provins

Karawame Tret Stua i bin givim ol samting long kamapim ol posta na ol arapela samting bilong autim toksave.

Long dispela wik tu redio Daru i autim spesel progrem ol i kolim Redio Dokta. Long dispela progrem oli i autim ol toksave long ol kain sik olsem AIDS, TB na Leprosi.

Redio Daru i kamapim ol pilai na ol song i givim skul long givim gutpela kaikai na pasin bilong stapim sik AIDS.

Ol i kamapim wanpela resis bilong raitim wanpela stori na droim wanpela posta long sapatim tingting bilong dispela wik tu. Astingting bilong dispela resis em long autim, "gutpela komyuniti".

Ol studen long ol komyuniti skul na Hai skul long Daru i bin autim save bilong ol long dispela resis. Ol lain husat i winim ol prais em;

1 Bamea Billy, Montfort Komyuniti Skul (1B)

2 Norfly Nania, Montfort Komyuniti skul (1A)

3 Emilyn, Montfort Komyuniti skul (3B)

4 Obira, Edward Baxter Riley skul (3B)

5 Charles Rabusumbi, Montfort Komyuniti skul (5B)

6 Veira George Evra, Montfort Komyuniti Skul (5B)

7 Veronica Dana, Montfort Komyuniti skul (6A)

Ol prais long dispela resis i bin kam long Daru Trading.

Bikpela wok toksave i bin kamap long ol klinik bilong mama, ol helt senta, ol sab helt senta na tu long Daru haus sik. Oli i givim ol prais long ol papamama husat i bekim ol askim long ol pasin bilong lukautim gut ol pikinini bilong ol. Oli prais i bin kam long Johnson and Johnson kampani na Helt Dipatmen.

Long 7 Epril olgeta wokman bilong Helt Dipatmen i stap long Daru Kaunsil Semba long bekim ol kain kain askim i kam long ol pipel. Oli i autim planti toksave tu long ol kain kain sik na pasin nogut bilong spak na mekim nabaut.

Planti pipel bilong Daru i bin kisim gutpela skul long ol samting i bin kamap long dispela taim bilong amamasim Wol Helt De.



## Mekim spesol ofa bilong yu!



\* KILIM DAI OL GRAS!



\* KILIM DAI OL BINATANG!



\* KILIM DAI OL KOPI RAS!

**DISPELA KILOK I FRI!**  
 taim yu baim tupela long wanpela long ol dispela 1 lita botol ICI prodak!



Didiman Stoa

\* **TINGIM GUT!**  
 Yu mas olgeta taim ridim gut ol toksave long botol bipo yu yusim ol marasin bilong agrikalsa.  
 Ol dispela ICI Agrikalsa Prodaks i stap long ol Didiman Stoa Nau! HRD 9848

# Didiman Stoa

**KUNDIAWA MT HAGEN MADANG BANZ  
 RABAU KIMBE KIETA LAE GOROKA**

# Husat i save long Sik AIDS

FIRST Marketsearch i bin mekim narapela wok painimaut tu long save bilong ol pipel long sik AIDS. Helt dipatmen i bin askim ol long mekim dispela wok na ol i bin toktok wantaim 1200 pipel long Lae, Mosbi, Rabaul na Hagen.

I no long taim na ol i painim AIDS long Papua Niugini tasol planti manmeri i harim nem bilong dispela sik pinis. Long ol viles klostu long Lae ol i luksave olsem namel long tripela man ol i askim, wanpela i no save long AIDS.

Ol pipel i harim nius bilong dispela sik long redio (60 pesen), planti moa i kisim toksave long televisen (37 pesen), ol i harim tu long maus bilong ol arapela (31 pesen), ol i harim long ol helt woka (25 pesen) na long ol toksave pepa na ol posta (20 pesen).

Bikpela lain pipel (60 pesen) i tok olsem ol i save dispela sik i kamap long wanpela jerm. Tasol ol arapela i pret na i ting olsem ol pipel i ken kisim dispela sik long ol natnat. Dispela em i no tru. Yu no inap kisim AIDS long ol natnat.

Ol sampela moa i ting olsem ol pipel i ken kisim AIDS long ol toilet na ol kain samting olsem ol kap, plet na ol dis. Narapela krangki tingting ol pipel i gat em olsem, ol lain husat i gat AIDS bai sik tru. Tasol planti lain husat i gat AIDS bai i stap orait longpela taim tru. Yu no inap luksave olsem dispela man i gat jerm bilong sik AIDS bai i no inap sik. Ol bai stap orait longpela taim na givim sik nogut ya long narapela.

Planti pipel long dispela wok painimaut i save olsem ol gumi (condom) i

ken pasim dispela sik.

Wankain lain i tok olsem ol bai senisim pasin bilong raun nabaut na ol i no inap kisim dispela

sik. Ol meri i tok olsem ol bai raun wantaim wanpela man tasol na ol man i tok olsem ol bai raun wantaim wanpela meri tasol.

Ol man i tok tu olsem ol i no inap raun wantaim ol pamuk meri.

Dispela wok painimaut em i gutpela long ol helt woka

long luksave long wanem kain toksave ol i ken mekim long helpim ol pipel.

Nau Helt dipatmen bai lainim ol provinsal helt woka

long kisim ol dispela kain toktok long ol pipel. Ol bai yusim wanpela isi progrem bilong askim na kisim ol bekim long ol pipel.



• Manki i sindaun long tebal i gat sik AIDS.

## Suckling autim plen bilong gavman

WOK bilong Helt dipatmen long Papua Niugini nau istap insait long Nesenel Helt Plen bilong 1986-1990. Klostu bai mipela i statim ol wok long kamapim namba tri plen bilong mipela. Planti senis i kamap nau long kantri na gavman tu i mekim sampela senis long rot bilong developmen insait long kantri. Ol wokman long gavman long ol provins bai helpim tu long kamapim dispela plen.

Bikpela tingting bilong gavman em long givim gutpela sindaun long ol pipel.

Tupela bikpela samting i mas kamap sapos gavman i laik bihainim dispela tingting.

Namba wan em olgeta pipel bilong dispela kantri i mas wok bung long bihainim dispela tingting bilong gavman.

Namba tu, em yumi mas yusim olgeta samting o helpim yumi ken yusim o kisim long kamapim ol dispela tingting. Helpim mas kam long ol kampani ol gavman na tu long ol pipel.

Tasol ol dispela wok i no inap kamap wantu. Yumi mas mekim bikpela wok long skulim ol pipel long dispela tingting. Sampela spesel projek i kamap nau na yumi ken yusim ol dispela projek long kamapim ol bikpela wok long bihaintaim.

Nau yumi mekim bikpela wok long helt edukesen. Dispela wok em long givim save long ol pipel long stretim hevi na sindaun bilong ol. Yumi bai kamapim wanpela bikpela ples bilong putim ol rekot bilong ol samting i kamap long ol ples.

Nesenel Senses long 1980 i soim olsem krismas bilong planti pipel long Papua Niugini i stap namel long 10 na 24 yia. Ol dispela lain i kisim skul na planti bilong ol i gat bikpela tingting olsem bai ol i kisim gutpela wok. Tasol dispela em i no tru long ol kantri olsem Papua Niugini. Na planti yangela i belhat bikos ol i no inap kisim wok.

Olsem na yumi mas mekim bikpela wok long mekim ol dispela yangpela i wok na stretim sindaun bilong ol. Sapos i no gat wok, ol dispela yangpela i ken kamapim planti trabel long kantri.

Papua Niugini i gat wanpela polisi bilong ol meri nau bikos yumi i luksave olsem ol meri i bungim famili long taim kain kain senis i kamap long kantri. Olsem na bai yumi i lukluk tu long stretim sindaun bilong ol yangpela meri long kantri.

Nau yumi mas lukluk long ol helpim ol helt woka i ken givim long ol pipel. Mi tok pinis long givim skul long ol pipel long kain sik olsem AIDS. Hevi bilong dispela sik em i no bikpela tumas tasol bikpela hevi i ken kamap long bihaintaim.

Yumi mas mekim bikpela wok long skulim ol pipel olsem dispela sik (AIDS) i ken bagarapim kantri. Yumi mas yusim ol kain samting olsem ol niuspepa, ol redio, ol skul ol televisen na video long skulim ol pipel.

Yumi mas kamapim wok tu long sekim gut olgeta blut yumi save yusim long ol haus sik.

Malaria i givim taim yet long ol pipel bilong Papua Niugini. Yumi skulim ol

pipel long pasim dispela sik nogut na i amamas olsem ol i bihainim ol toksave. Wol Helt Ogenaisesen (WHO) i kamapim wanpela progrem pinis, we ol pipel i yusim wanpela spesel taunam. Dispela taunam i pasim ol natnat na stapim sik malaria.

Ol pipel i amamas long dispela progrem na Helt dipatmen i tingting nau long kamapim dispela progrem long ol arapela hap long Papua Niugini.

Yumi mas lukautim ol mama long dispela kantri tu. Planti mama i save dai long dispela kantri. Sapos yumi i no inap stretim sindaun bilong ol mama, bai yumi i no inap stretim sindaun bilong ol pipel long Papua Niugini.

Yumi i kamapim wanpela trening progrem nau long skulim ol nes na ol APO long lukautim ol mama na ol arapela pipel long wan wan ples bilong wok bilong ol. Planti bilong ol i save wok long ol viles na sapos ol i save gut long ol dispela wok, ol bai lukautim gut ol pipel tu. Olsem na mipela laik planti lain i mas kam long ol dispela trening progrem.

Yumi i no gat planti samting olsem mani long helpim wok bilong helt long kantri. Olsem na yumi mas luksave gut long ples we yumi ken yusim ol dispela samting yumi i gat long givim helpim long planti pipel long kantri.

Mi tok tenk yu long WHO long ol helpim ol i givim yumi long painim ol ples we yumi ken yusim gut mani long helpim ol pipel na tu long givim gutpela trening long ol wokman bilong helt. Yumi luksave long helpim WHO i givim long stapim hevi ol bebi na

mama save painim long taim mama karim ol pikinini.

Ol dispela samting i no inap kamap sapos yumi i no gat man long mekim ol wok. Olsem na Dipatmen i lukluk tu long kamapim ol strongpela lida long lukautim ol dispela wok. Yumi givim gutpela trening tu long ol bikman bilong helt long wan wan provins bikos yumi laikim ol wok long i provins i kamap gut tu.

Dipatmen i gat tingting tu long skulim ol nes long sapotim ol wok bilong kamapim gutpela sindaun long komyniti.

Yumi i luksave olsem kost bilong lukautim ol pipel bilong dispela kantri em i bikpela tumas. Olsem na yumi mas traime long yusim liklik mani yumi i gat long helpim olgeta pipel.

Bikpela mani long baset bilong Helt Dipatmen i go long pe bilong ol wokman. Long dispela taim baset bilong dipatmen i no go antap. Tasol pe bilong ol samting i go antap na yumi i apim pe bilong ol wokman tu. Yumi i no inap yusim bikpela mani long baim ol samting ol helt woka i nidim long kamapim ol wok bilong ol.

Mi laik tok Tenk yu gen long WHO long bikpela helpim ol i bin givim yumi long 1988. Planti bikpela wok i stap yet. Olsem na mi askim yupela olgeta long skelim gut olgeta samting yumi gat na bung wantaim long stretim sindaun bilong olgeta pipel long Papua Niugini.

**Ol toktok bilong Helt Minista ROBERT SUCKLING long ol Helt woka long Papua Niugini.**



# BAIBEL KOMIK

## Ol wok bilong ol APOSEL

Long taim Luk i kam bek, Pol i tokim em long raitim pas. Dispela pas i stap long Timoti 2 long Nupela Testamen.

Long taim Timoti i kisim pas bilong Pol, em i kism sip i go long Rom. Em i painim Luk na tupela i go long haus kalabus na lukim Pol...

Mi kisim oda nau tasol. Na mi arestim yu!


Dia Timoti, Yu mas strong olsem wanpela soldia bilong Krai. Tingim ol tok tru yu lainim long mi na long Holi Buk. Yu mas autim yet tok bilong God maski sapos ol pipel i givim baksait long yu.

Mi laik lukim yu tru. Traim kam na lukim mi spaos yu inap. Bringim klos mi lusim long Traos na ol buk tu. Mi no ting bai mi stap longpela taim moa. Klostu bai mi i go lukim Bikpela na bai em i givim mi ples long kingdom bilong em. Traim na kam lukim mi.

Pol.



Ol i kalabusim Timoti tu bikos em i wok long autim tok bilong Jisas. Ol tupela misineri i stap long kalabus na wetim kot bilong ol Rom. Orait wanpela de Nero i redi long harim kot bilong Pol.



### Soldia tru

Pol i kamap long kot long ai bilong Nero.

Mi painim olsem yu go pas long kirapim trabel long Rom. Bai yu mas dai.



## Ol Katolik tingim Pater Ross

OL Katolik long Hagen i bin bung na wokim bikpela

lotu na konset, na kwaia singsing long tingim Pater William Ross SVD,

namba wan Katolik misineri husat i kamap long hap bilong Hagen.

Dispela bikpela bung i bin kamap long 19 Me long makim 16 yia bilong indai bilong

Pater Ross. Em i bin dai long Hagen long 19 Me, 1973.

Ol Katolik skul, na koles long Hagen i bin stap insait long dispela bikpela bung. Sampela ol papama-

ma bilong ol studen tu i bin kam bung wantaim ol. Na ol tisa i bin malolo long dispela de long taim ol studen i wokim ol kwaia singsing na arapela pilai.

## Misineri winim 30 yia

WANPELA Katolik misineri husat i strong long kirapim wok bilong Katolik sios long Westen provins i winim 30 yia nau long wok bilong em tu long provins. Dispela misineri em Pater Edmund Lausier. Em i bilong lain ol i kolim Sosaiti ov Montfot Misineri (SMM).

Long 6 Me, ol Katolik bilong Sen Gerard Peris i bin amamasim 30 yia bilong peris bilong ol. Pater Edmund Lausier i bin kirapim dispela peris long 6 Me, 1959.

Pater Edmund i bin mekim bikpela wok bilong strongim Katolik sios long Westen provins. Na nau em i peris pris long hap bilong Tabubil.

Em i winim 76 krismas nau tasol em i strong yet long wok wantaim ol pipel. Bikpela laik bilong em i bilong wok wantaim ol yanpela manmeri insait long povins. Wanpela studen bilong em bipo, Hubert Nekiri i namba wan man bilong Westen provins long kamap wanpela Katolik pris.

Pater Edmund i bilong Maine long hap bilong Amerika. Bipo long em i kamap pris em i bin wanpela kuk long haus kaikai.



• Pater Edmund i sanap long namel.

## TU MINIT TINGTING

FRANK MIHALIC I RAITIM

### Givim long God

WANPELA de wanpela yangpela man i laik goaut nau na painim wok. Em i laik statim laip bilong em. Orait, em i go long pasto na tupela i pre wantaim long kism blesim bilong God. Na long dispela taim dispela yangpela man i promis, bai olgeta wik em i mas givim wanpela bilong ol tenpela hap bilong pe bilong em i go long God, olsem wanpela tenkyu long God.

Orait, yangpela ya i go na i painim wok na long namba wan wik pe bilong em i K10. Olsem na em i bihainim promis bilong em, na em i givim K1 long koleksen long lotu long Sande.

Bihain long wan yia, pe bilong em i go antap moa, na olgeta Sande em i putim K7 long koleksen. Bihain dispela i go inap K10 long olgeta Sande.

Bihain long tripela yia, man ya i kamap bosman long wok na pe i go antap moa, na nau bilong inapim promis bilong em, em i mas givim K100 long lotu long olgeta Sande. Bihain moa, na dispela Sande pe i go inap long K200, long wanem, man ya i kisim bikpela pe moa.

Tasol man ya i stat long wari. Em i ting olsem: givim K200 olgeta wik em i bikpela mani tumas long putim long koleksen. Olsem na em i go painim dispela pasto bilong bipo. Tupela i skrapim tok liklik, na man ya i tokim pasto, "Mi laik yu tekewe dispela promis mi bin mekim planti yia bipo."

Pasto i askim em, "Bilong wanem yu laik pinisim nau dispela promis? Ating yu rabisman pinis na yu no inap givim mani, laka?"

"Nogat," man ya i tok. "Tasol i olsem: bipo mi mas givim K1 tasol; na nau mi mas givim K200. Em i planti mani tumas."

Nau pasto i lukim strong ai bilong bisnisman ya na em i tok olsem, "Sori, pren. Mi no inap tekewe dispela promis yu bin mekim pinis. Tasol yumitupela i ken nildaun nau na beten na askim God bai em i daunim pe bilong wok bilong yu, bai yu mas givim K1 tasol. Yu i orait long dispela."

Nau dispela man i kisim save pinis.

Insait long laip bilong yumi, yumi save pinis olsem: prai bilong samting yumi givim long narapela man/meri, o samting ol i givim long yumi, em i hangamap long sakrifais yumi mas mekim bilong givim. Maniman em inap givim K1,000 na em i no pilim liklik; tasol sapos lapun mama long ples i givim 20t, em i givim pen long em; nau em i no gat mani bilong baim rais.

Long Gutnius yumi gat kain stori olsem, we wanpela tarangu meri i putim tupela pipia mani i go long ofa, na Jisas i litimapim nem bilong em long ai bilong ol aposel. (Lukim Mak 12:42).

Husat tru bilong yumi inap long tok, dispela liklik mani yumi bin givim long ofa, i bin givim pen tru long yumi? Ating i no gat. Na planti taim yumi no save givim sapos pasto o lida i no askim tasol. Planti taim em i sem long askim. Tasol em i no inap mekim wok bilong God, em i no inap kisim kaikai bilong em yet long ol pipia retpela mani bras i pundaun insait long basket bilong koleksen... Ating long 2t yu no inap kisim wanpela pike yet...na olsem wanem na em inap long God? Em i olsem tok bilas long em. Yumi tromoim dispela samting nating na rausim long poketbuk, long wanem em i pasim rot tasol bilong mani tru...

Meri long stori i givim narapela skul long yumi. Em i gat tupela pipia mani bras. Tasol em i no tok, "Orait, wanpela em i bilong mi na wanpela bilong God." Sapos em i bin mekim olsem, yu no gat komplem long em; long wanem, em i givim hap tru. Tasol em i givim tupela mani - olgeta mani em i gat. Nau em i stap rabis tru.

Yu inap long em? I gat wanpela taim long laip bilong yu, we yu bin putim han i go daun long poketbuk na kamautim olgeta mani i stap long han bilong yu? Na givim long God?

Meri long Baibel stori i bin givim olgeta samting em i gat. Sapos yumi no gat mani samting bilong givim, yumi inap givim yumi yet long wok bilong God. Taim bilong yumi, save bilong yumi, strong bilong yumi - ol dispela i namba wan presen tru.

# LUNN TELEVISION

THURSDAY      FRIDAY      SATURDAY      SUNDAY      MONDAY      TUESDAY      WEDNESDAY

## EM-TV

THURSDAY 25TH MAY, 1989	FRIDAY 26TH MAY, 1989	SATURDAY 27TH MAY, 1989	SUNDAY 28TH MAY, 1989	MONDAY 29TH MAY, 1989	TUESDAY 30TH MAY, 1989	WEDNESDAY 31ST MAY, 1989
9.00 SESAME STREET (G) 3.57 EMTV STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 GENTLE BEN (G) 6.00 THE MUPPETS SHOW (G) 6.30 NATIONAL EMTV NEWS (G) 7.00 THRILLSEEKERS (G) 7.30 SIX MILLION DOLLAR MAN (PGR) 8.30 MASTER (G) 9.30 MIAMI VICE (AO) 10.30 SYDNEY RUGBY LEAGUE (G) 11.30 STATION CLOSE	9.00 SESAME STREET (G) 3.57 STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 THE JETSONS (G) 6.00 THE MUPPET SHOW (G) 6.30 NATIONAL EMTV NEWS (G) 7.00 THE EM REPORT (G) 7.30 FAME (G) 8.30 FRIDAY NIGHT MOVIE (PGR) TBA 9.44 WFL - HIGHLIGHTS 10.44 STATION CLOSE	9.00 KOMYUNTI TELEVISION STATION OPEN (G) 9.02 "TINGIM HELT" (G) 10.00 KOMYUNTI TELEVISION STATION CLOSE (G) 2.57 EMTV STATION OPEN (G) 3.00 JAZZERCISE (G) 3.30 FRAGGLE ROCK (G) 4.00 ANIMALS, ANIMALS (G) 4.30 REAL GHOSTBUSTERS (G) 5.30 BATMAN (G) 6.30 DANIEL BOONE (G) 6.30 EMTV NATIONAL NEWS (G) 7.00 INCREDIBLE HULK (G) 8.00 LUCKY LOTTERY DRAW (G) 8.05 ROCKFORD FILES (PGR) 9.00 SATURDAY NIGHT MOVIE (PGR) TBA 10.56 STATION CLOSE	12.00 KOMYUNTI TELEVISION STATION OPEN (G) 12.02 "TINGIM HELT" (G) 1.00 KOMYUNTI TELEVISION STATION CLOSE (G) 2.57 EMTV STATION OPEN (G) 3.00 ADVENTURES OF TEDDY RUXPIN (G) 3.30 BONANZA (G) 4.30 SPORTS WORLD (G) 5.30 WONDERFUL WORLD OF DISNEY (G) 6.25 THE COLGATE TOOTHBRUSH FAMILY (G) 6.30 EMTV NATIONAL NEWS (G) 7.00 BILL COSBY SHOW (G) 7.30 SUNDAY NITE MOVIE: "TBA" (PGR) 10.32 DOCUMENTARY (G) 11.32 BISMS (G) 12.02 STATION CLOSE	9.00 SESAME STREET (G) 3.57 EMTV STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 CURIOSITY SHOW (G) 6.00 MUPPET BABIES (G) 6.30 NATIONAL EMTV NEWS (G) 7.00 FAMILY TIES (G) 7.30 FLYING DOCTORS (PGR) 8.30 MINI SERIES "THE GLASS BABIES- PART 2" (AO) 10.25 STATION CLOSE (G) 10.27 KOMYUNTI TELEVISION STATION OPEN (G) 10.30 TINGIM HELT (G) 11.30 KOMYUNTI TELEVISION STATION CLOSE	9.00 SESAME STREET (G) 3.57 EMTV STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 FLINTSTONES (G) 6.00 MUPPET BABIES (G) 6.30 NATIONAL EMTV NEWS (G) 7.00 MORK AND MINDY (G) 7.30 BUCK ROGERS (PGR) 8.30 T.J. HOOKER (PGR) 9.30 LIFESTYLE (G) 10.00 EMTV SPORTS SCENE (G) 10.30 BUSINESS WEEK (G) 11.30 STATION CLOSE	9.00 SESAME STREET (G) 3.57 STATION OPENS (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 PINK PANTHER (G) 6.00 MUPPET BABIES (G) 6.30 NATIONAL EMTV NEWS (G) 7.00 MR. MERLIN (G) 7.30 HARDCASTLE AND MCCORMICK (PGR) 8.30 WEDNESDAY NITE MOVIE "THE BLACK BIRD" (AO) 10.30 MCCLOUD (G) 11.45 STATION CLOSE

## ABC

THURSDAY 25TH MAY, 1989	FRIDAY 26TH MAY, 1989	SATURDAY 27TH MAY, 1989	SUNDAY 28TH MAY, 1989	MONDAY 29TH MAY, 1989	TUESDAY 30TH MAY, 1989	WEDNESDAY 31ST MAY, 1989
4.00 PLAY SCHOOL (G) 4.30 SWAP SHOP (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 IN REAL LIFE (PGR) 8.28 NEWS UPDATE (G) 8.30 ABC SPECIAL (PGR) 10.20 THE GHOSTS OF RIVER-SLEIGH TBA (G) 11.05 ABC NEWS LATE EDITION (G) 11.25 TALKING PICTURES (PGR) 11.55 CLOSE	4.00 PLAY SCHOOL (G) 4.30 SWAP SHOP: THIEF (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 COUNTRY WIDE (G) 8.28 NEWS UP-DATE (G) 8.30 HILL STREET BLUES (AO) 9.25 NEWS UP-DATE (G) 9.30 HOWARDS WAY (G) 10.20 ABC NEWS (G) 10.40 BLACK OUT THE ABORIGINAL SHOW (G) 11.10 N.B.A. BASKETBALL (G) 12.20 RAGE	11.30 RUGBY UNION HIGH-LIGHTS (G) 12.30 N.B.A. BASKETBALL 1989 (G) 3.00 SATURDAY SUPER LEAGUE (G) 4.45 SPORTS NEWS (G) 5.00 SOCCER (G) 6.00 ABC NEWS (G) 6.30 HORIZONS (G) 7.20 COME AND GET IT WITH PETER RUSSELL-CLARKE (G) 7.30 UPSTAIRS, DOWNSTAIRS (G) 8.25 ABC NEWS (G) 8.30 RUMPOLE OF THE BAILEY (G) 9.30 A VERY PERCULIAR PRACTICE (G) 10.25 JOHN HINDE PRESENTS (G) 12.15 RAGE	12.00 COMPASS (G) 1.00 SUNDAY AFTERNOON WITH PETER ROSS AND THEA ASTLEY (G) 5.00 SUNDAY RUGBY (G) 6.00 ABC NEWS (G) 8.30 ALL CREATURES GREAT AND SMALL (G) 7.25 BACK CHAT (G) 7.30 LIVING PLANET (G) 8.25 ABC NEWS (G) 8.30 BLIND JUSTICE (AO) 10.00 SOCCER (G) 11.00 SKORPION (PGR) 11.30 TRIPPER'S DAY (PGR) 11.55 CLOSE	4.00 PLAY SCHOOL (G) 4.30 SWAP SHOP: ALIENS (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 DEARST ENEMY (G) 8.28 NEWS UP-DATE (G) 8.30 FOUR CORNERS (G) 9.15 MEDIA WATCH (G) 9.28 NEWS UP-DATE (G) 9.30 FOR LOVE OR MONEY (G) 10.00 SNOOKER 1989 (G) 11.25 ABC NEWS (G) 11.45 JOHN HINDE PRESENTS (G) 1.27 CLOSE	4.00 PLAY SCHOOL (G) 4.30 SWAP SHOP: AIR (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 THE INVESTIGATORS (G) 8.28 NEWS UP-DATE (G) 8.30 GP (G) 9.28 NEWS UP-DATE (G) 9.30 THE BIG GIG (G) 10.30 ABC NEWS (G) 10.50 REVIEW (G) 11.30 THE HEART OF THE DRAGON (G) 12.20 CLOSE	4.00 PLAY SCHOOL (G) 4.20 SWAP SHOP: CHOPSTICKS (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 ABC SPECIAL (PGR) 9.58 NEWS UP-DATE (G) 10.00 COUCHMAN (G) 10.40 ABC NEWS (G) 11.00 PLAYED IN AUSTRALIA (G) 11.55 CAROL BURNETT AND FRIENDS (G) 12.20 CLOSE

## NQ-TV

THURSDAY 25TH MAY, 1989	FRIDAY 26TH MAY, 1989	SATURDAY 27TH MAY, 1989	SUNDAY 28TH MAY, 1989	MONDAY 29TH MAY, 1989	TUESDAY 30TH MAY, 1989	WEDNESDAY 31ST MAY, 1989
4.00 WOMBAT (G) 4.30 CURIOSITY SHOW (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FLYING DOCTORS (PGR) 8.28 NQTV WEATHER UPDATE (G) 8.30 JACK AND THE FAT MAN (PGR) 9.30 DALLAS (G) 10.30 NEWSWORLD (G) 11.30 SPORTS SPECIAL (G) 4.15 EPILOGUE (G) 4.20 STATION CLOSE	4.00 WOMBAT (G) 4.30 KIDS ARMY (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FAMILY TIES (G) 8.00 NEWSWEEK (G) 8.28 NQTV WEATHER UP-DATE (G) 8.30 FRIDAY NIGHT MOVIE: "Halloween" Starring Cindy Williams (AO) 10.30 NEWSWORLD (G) 11.30 LATE MOVIE "Terrorvision" (AO) 1.00 EPILOGUE (G) 1.05 STATION CLOSE	12.00 FABULOUS CENTURY (G) 12.30 DIFFERENT STROKES (G) 1.00 WIDE WORLD OF SPORTS (G) 5.00 BURKE'S BACKYARD (G) 6.00 NATIONAL NINE NEWS (G) 6.30 HEY HEY IT'S SATURDAY (G) 8.28 NQTV WEATHER UP-DATE (G) 8.30 GOLD LOTTO DRAW (G) 8.35 SPORTS SPECIAL (G) 10.00 DESIGNING WOMEN (G) 10.40 SPORTS SPECIAL (G) 4.15 EPILOGUE (G) 4.20 STATION CLOSE	11.00 WIDE WORLD OF SPORTS (G) 1.00 THE WALTONS (G) 2.00 SPORTS SPECIAL (G) 5.00 FIVE MILE CREEK (G) 5.50 POINT OF VIEW (G) 5.57 QUEENSLAND 2000 (G) 6.00 NATIONAL NINE NEWS (G) 6.30 THE WORLD OF DISNEY (G) 7.30 SIXTY MINUTES (G) 8.28 NQTV WEATHER UPDATE (G) 8.30 SUNDAY NIGHT MOVIE (AO) 10.45 SPORTS SPECIAL (G) 1.00 EPILOGUE (G) 1.50 STATION CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 LOCAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.28 WEATHER (G) 8.30 MOVIE: TBA (AO) 11.30 THE PROFESSIONALS (AO) 12.30 EPILOGUE (G) 12.35 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 CURRENT AFFAIR (G) 7.00 SALE OF THE CENTURY (G) 7.30 COSBY (G) 8.00 THE GOLDEN GIRLS (PGR) 8.28 WEATHER (G) 8.30 BEYOND 2000 (G) 9.30 BRONX ZOO (PGR) 10.30 NEWS WORLD (G) 11.30 SCARECROW AND MRS KING (PGR) 12.25 EPILOGUE (G) 12.30 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 GOLD LOTTO (G) 7.35 A COUNTRY PRACTICE (G) 8.33 WEATHER (G) 8.35 MOVIE: TBA (AO) 10.30 NEWSWORLD (G) 11.30 CRAZY LIKE A FOX (AO) 12.25 EPILOGUE (G) 12.30 CLOSE

(G) - GENERAL EXHIBITION      (PGR) - PARENTAL GUIDANCE REQUIRED      (AO) - ADULTS ONLY

TAIM YU PILAI TUHAT NA NEK  
I DRAI O TAIM BILONG  
AMAMAS....

Swit olsem orange fruit stret!


I Kam Long

# Tarino

HOHOLA softdrinks

# Pikinini i tanim na kamap pisin

BIPO BIPO tru long hap bilong Frigano insait long Isten Hailans, i gat wanpela liklik maunten i stap. Nem bilong dispela maunten em Avokokopa.



*STORI bilong bipo bipo tru*

Wanpela nait, wanpela papa i Tokim pikinini bilong em olsem bai tupela i lusim ples long bikmoning tru na go painim abus long dispela hap. Papa i tokim pikinini i mas kirap hariap long moning na kukim sampela kaukau bilong tupela long kaikai long taim ol i stap long bus.

Long bikmoning tru tupela i kirap na manki ya i kukim ol kaukau. Orait ol i karim ol spia banara na ol i wokabaut i go long bus ya Avokokopa.

Ol i go kamap long bus na painim ol abus i go i go tasol ol i no lukim wanpela abus. Orait tupela i go long narapela sait bilong maunten na painim i kam olsem long ples we bus haus bilong tupela i stap.

Orait ol i stat long kilim sampela abus nau. Ol i putim long bilum na manki ya i karim. Na papa bilong em i wok long painim abus i go antap long ol diwai. Em i laik bilum i mas pulap pastaim

long abus orait tupela i ken go bek long bus haus na malolo.

Long dispela taim tu, pikinini ya i hangre nogut tru. Em i no bin kaikai long moning bipo long tupela i lusim ples. San tu i hat nogut tru na manki ya i no gat strong moa. Papa bilong em tu i pilim hangre tasol em i bikpela man olsem na em i pasim hangre bilong em i stap. Em i laik painim kapul pastaim orait bihain bai em i wari long kaikai.

Papa i stap antap yet long diwai na manki ya i traim kaukau skin bilong kaukau. Em i kaikai na skin bilong kaukau i swit moa. Olsem na em i brukim hap kaukau na kaikai. Tasol swit bilong kaikai i moa yet olsem na em i pinisim olgeta kaukau ya.

Papa i kam daun long diwai na manki ya i ting bai tupela i malolo nau. Tasol papa i go antap gen long narapela diwai na painim kapul i stap. Manki ya i wet i go no gat na em i kirap kaikai narapela kaukau gen. Em i pinisim dispela kaukau na em i kaikai narapela gen. Em i mekim olsem inap olgeta kaukau i pinis.

Papa i painim kapul i go i go nau na hangre i kilim em nogut tru na klostu em i pundaun. Em i kam daun isi tasol long graun na em i go painim gutpela ples tru (Kumadama). Orait em i askim pikinini long ol kaukau. Manki ya i harim na em i no toktok.

Papa i toktok strong nau na manki ya i kirap tokim em, "Mi hangre tumas na mi pinisim olgeta kaukau pinis."

Papa bilong em i no toktok bikos em i hangre nogut tru. Papa i belhat tru na em i sindaun i stap. I go i go nau na em i kirap giamanim pikinini na tok, "Yu stap hia. Bai mi go daunbilong long maunten na traim sekap long wanpela diwai. Oltaim mi save painim kapul long dispela diwai."

Papa i go daun tasol

na em i ranawe i go kamap long ples. Em i no wari long pikinini bilong em.

Tarangu manki ya i sindaun wet i go i go na klostu tudak i kamap nau na ren tu i stat long pundaun. Na em i pret na kirap krai na singaut long papa bilong em i stap. Long tokples bilong mipela papa em Avo. Manki ya i krai i go

na ai bilong em i kamap ret olgeta na aiwara bilong em tu i ret. Em i wok long singaut, "Avo, avo. Tasol papa bilong em i stap pinis long ples."

Ples i tudak olgeta na ren tu i pinis. Na manki ya i pret na em i go antap long wanpela bikpela diwai na em slip i stap. Em i slip na driman na ting olsem em i stap long

haus bilong em. Na long taim em i tanim, em i pundaun i go daun. Em i putim han i go long holim ol han bilong diwai tasol em i tanim na kamap pisin na flai i go antap long diwai.

Dispela pisin i stap yet long bikbus tru bilong mipela long Lufa. Long taim man i go raun long bus bia yu inap long harim

em i singaut olsem, "Avo o, Avo o, avo o."

Na ples we aiwara bilong em i bin pundaun long en i kamap wanpela bikpela raunwara. Na yu ken lukim dispela raunwara i stap yet. Nem bilong dispela ples nau em Avokokopa.

**Yanuvu Mode, Herea Mart, Badili.**



## EM-TV MUVI

**OI EM TV muvi bilong neks wik**

(AO) Mande nait mini seris-8.30 pm - "The Glass Babies" - Part 2

Namba tu hap bilong dispela muvi we i stori long meri i no inap karim pikinini na ol dokta i helpim em. Tasol i bin gat planti hevi i kamap long laip bilong dispela meri na man bilong em. Na ol dokta tu i no bin helpim em gut. Em i muvi bilong ol bikpela manmeri tasol i lukim.

(AO) Trinde Nait Muvi 8.30 pm - "The Black Bird."

Dispela muvi em i stori bilong wanpela plisman i traim long stapim ol stilman i kisim Maltese Falcon. Plisman ya em SamSpade na muvi i soim wanem samting em i mekim long stapim ol dispela stilman. Ol arapela ekta tu long dispela muvi em George Segal na Lionel Stander.

## SAMPELA GUTPELA VIDEO MUVI

**THE SOLID GOLD CADILLAC (1956)**  
★★★

Judy Holliday  
Paul Douglas



.Paul Douglas na Judy Holliday long muvi, The Solid Gold Cadillac.

I gat wanpela gutpela muvi bilong meri ekta ya Judy Holliday ol i kolim "The Solid Cadillac." Em i wanpela fani muvii stori long wanpela meri husat i laik rausim ol bos bilong kampani bikos ol dispela bos i no mekim gut wok. Holliday na Paul Douglas i ekt gut tru long dispela muvi.

**SOMEBODY UP THERE LIKES ME (1956)**  
★★★

Paul Newman  
Pier Angeli



. Paul Newman (lephan) long muvi ya Somebody Up There Likes Me.

Ol man i laikim stori bilong boksen bai laik lukim dispela muvi "Somebody Up There Likes Me." Em i stori long wanpela yangpela boksa husat i kamap long ples nogut insait long Nu York. Em i wanpela bikhet manki na long taim em i yangpela yet em i bin kamap long kot planti taim. Orait long taim em i bikpela em i kamap wanpela boksa.


**THE SEVEN-PER-CENT SOLUTION (1976)**  
★★

Nicol Williamson  
Alan Arkin  
Robert Duvall



. Alan Arkin na Nicol Williamson long muvi The Seven-Per-Cent Solution.

Wanpela gutpela muvi bilong ol lain husat i laikim ol stori bilong plisman i painim trabelman em dispela ol i kolim "The Seven-Per-Cent Solution". Em i stori long man husat i gat nem long painim ol trabelman, Sherlock Holmes na Freud i bung na wok wantaim long dispela kain wok.



## CUMMINS POWER GENERATION FROM CUMMINS DIESEL SALES & SERVICE

MACDHUI ST LAE  
PH 42 3699 FAX 423803

**WE HAVE SETS IN STOCK NOW**

22KVA    35KVA    50KVA  
80KVA    100KVA    125KVA

# WANTOK

# OKSAVE BOKIS 252500



## Yu laik autim tingting bilong yu long TAKIS KASTOMS DUTI o BISNIS INSENTIV?

**Hia em sans bilong yu long autim ol tingting bilong yu!**

I. Gavman i kirapim pinis wanpela komiti (Policy Working Group) long glasim Teksesen na Katoms (PNGTC). Dispela komiti bai glasim ol dispela samting na toksave long gavman sapos i gat sampela senis i mas kamap long lo i bosim wok bilong Takis na Kastoms.

Hia em ol wok dispela komiti i mas mekim:-

(1) Glasim ol senis i kamap long lo bilong Takis na Kastoms long 1989 baset na lukim sapos:-

(a) ol dispela lo i mekim stret wok o nogat;

(b) I gat sampela hevi i kamap bikos long senis i kamap long baset; na

(c) sapos ol dispela hevi i mas kamapim senis long lo o ol wok long 1990 baset (o bipo long 1990 baset);

(2) Glasim Lo bilong Takis nau long Papua Niugini na painim;

(a) ol arapela rot bilong skruim wok bilong takis we inap long bringim moa mani i go long gavman long kamapim ol developmen; na

(b) ol hap we takis bilong gavman i stapim moa bisnis long kamap na givim wok long ol pipel, na bai glasim ol ripot bilong ol kampani we i toktok long ol hevi em impot duti i kamapim na olsem wanem dispela takis i stapim bisnis bilong salim ol samting bilong PNG i go ovasis; na

(c) ol senis long lo bilong Takis em inap long stretim o rausim ol dispela hevi, sapos i gat hevi; na

(d) ol senis inap kamapim gutpela wok bilong Takis, o ol senis inap bringim moa invesmen na givim wok long ol pipel o developim Papua Niugini; na

(e) sapos ol senis i mas kamap, orait dispela rot bilong kisim Takis bai i mas stap yet o nogat.

Sapos you laik autim tingting bilong yu, orait salim pas i kam long dispela adres:-

Mr Nagora Bogan,  
Chairman,  
PNGTC  
P.O. Box 777,  
Port Moresby.

Toksave - Ol pas i mas kamap bipo long 30 Jun, 1989.

II. Gavman i kirapim tu wanpela komiti (Policy Working Group) long glasim wok bilong Bisnis Insentivs. Wok bilong dispela komiti em long toksave long gavman long ol senis i kamap long lo i bosim dispela wok nau.

Hia em ol wok dispela komiti i mas mekim:-

(i) glasim invesmen program em gavman i save givim long ol bisnis (ol ovasis kampani na ol kampani bilong PNG tu) long Papua Niugini na lukim olsem wanem takis bilong gavman, ol ovasis takis, eksais takis, sels takis, intres ret na foren eksens i helpim o daunim profit bilong ol kampani. Na glasim ol insentiv bilong ol klink bisnis, rural LDA na ol nupela bisnis.

(ii) Glasim na skelim tingting long bungim wantaim olgeta.  
- rot bilong givim tok orait long ol ovasis kampani;  
- ol lo bilong givim wok permit;  
- administresen bilong ol insentiv bilong ol PNG na ovasis investa;

(iii) Glasim gen wok bilong Industrial Systems Bot na wok bilong Industrial Advisorsi Kaunsil. As bilong dispela em long kamapim strongpela program na bringim ol kampani i kam insait tu long painim ol gutpela rot bilong bisnis insentiv program.

Sapos yu gat sampela toktok long mekim long Bisnis Insentiv, orait salim i kam long dispela adres:-

Mr Joseph Hartmans,  
Policy Working Group of Business Incentives,  
C/- Department of Trade and Industry,  
P.O. Wards Strip,  
WAIGANI.

Toksave - Ol pas i mas kamap bipo long 30 Jun, 1989.



## Niugini Didiman

### Supplies

## INTERMEDIATE OFFICE CLERK

(FEMALE)

For above position the following conditions apply:

Must be accurate with figures  
Typing an advantage

3 years minimum office experience

Grade 10 plus secretarial College Certificate

Mt Hagen area residency

No accommodation supplied.

For interview contact Tony Rodgers on

Phone 55-1561 or 55-1562.

# new nation

## ON SALE NOW!



# Pablik Notis

Sapos iu laik edvataisim  
Toksave, Panim Wok,  
Pablik Notis, Ruigin:  
**Miria Ravao**  
Telepon: 25 2500  
Ext. 217.

PABLIK NOTIS



## BIKPELA TOKSAVE - BEKIM MANI BILONG OL MEMBA

Olgeta memba i ken kisim bek mani bilong ol long taim ol i pinis wok tasol ol i no inap long kisim pensin.

Insait long wanpela senis em i bin kamap long lo i karamapim wok bilong Public Officers Superannuation Fund, bai i gat intres i stap tu long mani bilong ol memba. Dispela lo i kamap long 1 Janueri, 1989.

Ol dairekta bilong POSB i pasim tok pinis long skelim intres olsem:-

**MANI EM OL MEMBA I BIN  
BAIM I KAM INAP LONG 1.189:**

**6 3/4% wan yia bai i mas go bek  
long taim memba i stat givim mani,  
i kam inap long 1.1.89.**

Olpela Ritrensmen Benefit  
Fan:

Ol memba Intres i go long RBF  
mani long taim ol i senisim i  
go long POSF, na ol i putim 6  
3/4% intres wan yia i kam inap  
long 1.1.89.

Ol memba husat i pinis wok long 1989 bai i kisim 6 3/4% intres long mani bilong ol stat long 1.1.89 i go inap long taim ol i bin pinis long wok.

### BIKPELA TOKSAVE

Fan yet i save baim takis long ol bisnis bilong en na ol ara-pela wok bilong lukautim wok bilong Fan. Olsem na mipela i

# Pablik Notis

Sapos yu laik edvataisim  
Toksave, Painim Wok,  
Pablik Notis, Ringim:  
**Miria Ravao**  
Telepon: 25 2500  
Ext. 217.

## PABLIK NOTIS



no inap rausim hap mani bilong ol memba long baim ol dispela takis. Na aninit long Lo i bosim ol Takis, i no gat takis long mani em memba i kisim bek na intres tu bilong dispela mani.

### Husat inap memba

#### Ol memba bilong Fan:-

**Ol dispela lain i mas memba:** Olgeta pemanen man opisa na ol singel meri opisa i wok long Nesenel Gavman o ol Stetutori Atoriti.

#### Ol dispela lain i ken kamap memba sapos ol i laik:

Ol marit meri na ol no-pemanen wokman bilong Nesenel Gavman na ol Stetutori Atoriti husat i wok moa long 3-pel yia na i luk olsem bai ol i wok yet. Sapos yu laik kamap memba, orait toksave long pesenel manesa bilong yu, o Managing Director bilong Public Officers Superannuation Fund (POSF) long adres i stap daunbilo.

#### Toksave:

Ol ovasis wokman na kampani husat i memba pinis bilong ol kain Fan olsem i no inap long joinim POSF.

**DAVID S. NELSON  
MANAGING DIRECTOR,  
PUBLIC OFFICERS SUPPERANNUATION BOARD,  
P.O. BOX 7039,  
BOROKO,  
NCD.**

# Rabia na Jokers i resis long Mosbi lata

TUPELA top tim bilong ol man long Mosbi bai resis long Sande. Dispela tupela tim em Rabia na Jokers. Husat tim i win bai lida bilong ol man long Mosbi Basketball resis.

Insait long dispela bikpela gem tupela tim bai pait i go inap long las wisel i krai.

Tupela tim wantaim i wok long go pas nau long poin lata wantaim 12 poin. Bihain long tupela em Fairdeal Stars long 10 poin, Bucks and Bullets i gat 8 poin, Defence i gat 4-pela tasol na Country i stap daunbilo tru wantaim tupela poin.

Bikpela pait bilong dispela wiken bai i stap long senta. Yangpela pilaia bilong Jokers, Bahxter Travertz bai salensim intanesenel pilaia bilong Rabia, Moi Muri.

Muri i gat nem long dispela posisen na

## KAIRU LAHO i ratim

sapos no gat wanpela man i putim gut ai long em, bai em inap long putim basket long senta. Tasol i luk olsem yangpela Travertz i gat moa spit na i ken yusim dispela long autim Muri.

Arapela man husat bai i givim bikpela han long helpim Rabia em Paul Akia. Akia i save pilai gad na em i save spit moa. Em i save tingting na pilai. Na em i gat nem tu long helpim tim bilong em long taim ol birua i laik daunim ol. Dispela kain stail bilong em long sut longwe long mak bai inap helpim tim bilong em long sutim Jokers long Sande.

Muri na Akia bai kisim bikpela helpim long tupela yangpela brata bilong Muri, Robert na Willie na Epo Pausi.

Tasol i luk olsem ol dispela lain bilong

B&H bai kamap wantaim olgeta kain stail bilong ol long winim gem. Gem bilong ol las wiken egensim Medics i redim ol gut tru pinis long bungim Rabia.

Olsem na bikpela wok bilong Jokers long winim gem long Sande bai i stap long han bilong Morris Asiba, Avue Parapa na Albert Moide long fowat.

Sapos ol dispela lain i bung gut, Rabia bai i no inap long lukim wanem samting i mekimsave long ol.

Asiba, Parapa na Moide bai kisim gutpela helpim long Lenny Farisa na ol risev pilaia olsem Graham David, Thomas Kapera na Hubert Pisae.

Long ol pilaia bilong ol meri long Sande, Bucks bai salim ol katres nogut bilong ol long rausim ol smok bilong Jokers. Tupela tim wantaim i laik winim gem long Sande. Bucks i bin lus long

Fairdeal Stars las wiken na dispela bai wanpela sans bilong ol long bekim dinau. Na Jokers bai traim tokim ol Bucks long trening gen na wetim neks raun.

Skipa Helen Mitase na "lapun" Eau Areori bai go pas long Jokers na Pucks bai lukluk long Janet Kuno na Mary Elavo long helpim ol na winim gem.

Long ol arapela gem bilong ol meri, Rimbunan Bullets bai givim sut long Medics na kisim tupela isi poin, Fairdeal Stars bai paulim pawa bilong Elcom na Tarax Pisces bai givim sampela kolwara long country.

Long ol pilai bilong ol man, Fairdeal Stars bai paulim tingting bilong Country wantaim strorngpela dring, Bucks bai sutim nus bilong Tarax Pisces na kisim tupela isi poin na Bullet bai pinisim olgeta win bilong Medics na salim ol long haus sik.



• Em ol pilaia i kamap namel long Mendi na Goroko long bikpela Hailans Zon Rigbi resis i bin kamap long las wiken. Mendi winim Goroko 48-18.



## Bikpela spot de bilong Katolik yut

SAMTING olsem 400 Katolik yut bilong Mosbi Asdaiosis i kamap long wanpela de bilong pilai long Don Bosco Teknikel Skul long Sarere 27 Me.

Kodineta bilong dispela de Sister Josephine Agudera i tok astingting bilong dispela de em bilong kamapim gutpela wok bung namel long ol yut.

"Dispela de bilong pilai i stap insait long ol narapela kain wok ken Katolik sios i wok long mekim long helpim ol yut i kamap gutpela man na meri," Sister Josephine i tok.

Sister Josephine i tok em i kodineta, tasol em i no wokim wanpela bikpela wok. Olgeta wok em ol yut komiti yet i kamapim.

Ol komiti bilong dispela spot de em Paul Hasu na Kari John. Tupela i bin wok hat tru long wokim dispela de i kamap.

Ol i tok ol i amamas long wanem planti yut i kamap. Tasol ol i tok planti samting ol i toktok long wokim i no bin kamap.

"Long wanem i nogat gutpela wok bung wantaim namel long mipela na ol narapela lida."

"Mipela i bin askim ol komiti long taim yet tasol ol i no bin wokim wanpela samting long redi long dispela de," Paul Hasu i tok.

Mista Hasu i tok dispela i givim bikpela hevi long ol. Long wanem ol i kisim wok olsem komiti nau tasol na em i namba wan taim tu long ol long kamapim dispela kain bikpela spot de.

Em i tok long wokim i go moa hat, yut kaunsel i nogat ol sampela kain pepa we ol i ken bihainim long redim ol pilai.

Tasol Mis Kari i tok, "Mipela i amamas long lukim planti yut i kamap. Na mipela i tingting long kamapim gutpela spot de."



• Ol lain Katolik yut i autim stail

## I no gat lo bilong Ihu basketbal

IHU BASKETBAL Asosiesen i no gat gutpela eksekutiv bilong lukautim wok bilong asosiesen. Nau yet ol kain kain man na meri i save mekim dispela wok.

Long las sisen wankain pasin i kamap. Planti kibung bilong asosiesen i no bin kamap long wanem no gat wanpela man i klia long wanpela samting. Ol opisal bilong ol klap tu i no kamap long ol dispela kibung bilong makim komiti bilong lukautim wok long dispela yia.

Man husat i wok long lukautim olgeta wok bilong Ihu Basketball Asosiesen, Thomas Ivoi i tok ol pipel i gat laik long pilai tasol. Na ol i no soim laik long kamap ol opisal bilong asosiesen. Em i no amamas tumas long dispela.

Em i tok tu olsem no gat wanpela samting bai i kamap inap long taim olgeta pilaia, sapota na opisal bilong ol klap insait long asosiesen i bung wantaim na wok.

Em i tok sapos wanpela i gat laik long kamap opisal bilong asosiesen, orait ol was-esekutiv i mas mekim dispela wok long dispela yia na pinisim gut ol resis. Em i tok sapos neks yia i no gat ol eksekutiv bai i no gat wanpela basketbal resis long Ihu long 1990.

Wanpela arapela bikpela asua tru insait long Ihu Basketball Asosiesen em resis bilong dispela yia i no bihainim wanpela konstitusen. Long wanem asosiesen i no gat konstitusen.

Asosiesen i bin askim tu provinsal spots kaunsel long givim ol konstitusen bilong

Kerema Basketball Asosiesen o PNGABA long lukim na wokim wanpela bilong ol tasol ol i no kisim wanpela bekim yet.

I gat 39 tim olgeta i resis insait long Ihu Basketball long dispela yia. Dispela em ol tim bilong ol man na meri wantaim. Long A gret i gat 19 tim bilong ol man na meri i resis. Na ol arapela i stap long B gret.

Asosiesen tu i wok long redi nau long kamap memba bilong Provinsal na Nesenel Basketball Asosiesen. Afiliesen fi bilong dispela sisen em K100 na registresen fi bilong wan wan tim em K12. Ol pilaia bai baim K7. Planti ol tim i bin baim pinis ol tim registresen fi bilong ol tasol sampela i no baim yet. Tasol wanpela bilong ol dispela tim i stretim yet ol pilaia registresen fi bilong ol.

Long dispela as tasol na asosiesen i wok long ran bihain nau long olgeta wok bilong em. Planti ol tim i no kisim yet ol yunifom bilong ol. Na sampela i no baim yet ol fi bilong ol.

Mista Ivoi i tokim *Wantok Niuspepa* olsem em i laik givim bikpela mekimsave long ol dispela lain i pulim ol samting tasol watpo asosiesen i no gat konstitusen bilong mekim ol dispela kain wok. Na ol pilaia tu i save sutim tok long em taim ol samting i no kamap stret.

Em i tok sapos dispela kain pasin i stap yet, basketbal resis long Ihu bai dai na asosiesen bai i no inap long salim wanpela tim i go long ol sempionsip resis long bihaintaim.





## Toksave i go long ol Seaholda bilong Fan 1988 Dividen

Mi laik toksave long olgeta seaholda bilong Investment Corporation Fund bilong Papua Niugini olsem ol Bot ov Dairekta bilong Investment Corporation i bin kibung long 28 Epril, 1989. Na ol i pasim tok long givim winmani o dividen inap long mak bilong 18 toea long wan wan sea. Dispela winmani bai i go long ol memba bilong Fan em nem bilong ol i bin stap long Fund Registry long 31 Desemba, 1988.

Fan i bin kisim profit inap long mak bilong K4.4 milien long 1988. Em i daunbilo liklik long mak bilong 1987 we Fan i bin kisim K5.5 milien. Tasol Bot ov Dairektas i tok profit bilong 1988 em i orait bikos Fan i bin mekim planti wok we i kostim bikpela mani tru long 1988.

Ol memba bai kisim dispela 18 toea winmani long mun Me, 1989. Mi tok sori long ol Seaholda bilong Fan olsem mipela i no hariap long givimaut winmani bilong dispela yia bikos i bin gat sampela samting i kamap na stapim wok.

Mi makim maus bilong Bot na Manesman bilong Fan na mi tok tenkyu long olgeta wokman na meri bilong Investment Corporation long bikpela wok na sapot ol i givim long mekim 1988 i wanpela gutpela yia bilong ol seaholda.

**Eliakim T. To Bolton,  
Manesing Dairekta.**





# WANTOK SOKA NIUS



• Straika bilong Sunam i redi long paia tasol i abrus. Ol GFC i nekim ol 2-1. Poto Joe Kau.



• Golkipa bilong Difens Terry Sanga i kalap long stapim wanpela bal. Em i no was gut tumas na ol lain Guria i autim ol 3-1. Photo Joe Kau.

## Lukaut long Rapatona

BIKPELA RESIS bilong Mosbi soka nau i stap namel long Rapatona na Morobe United. Tupela bai skelim strong long dispela wik taim ol i bung long bikpela pilai bilong Mosbi soka.

Morobe Yunitid i wok long pas long poin lata bilong Mosbi. Em i gat 17 poin. Na Rapatona i wok long bihainim ol wantaim 16 poin.

Morobe Yunaited i save laki liklik. Olgeta man husat i lukim ol gem bilong Morobe yet i ken painimaut mining bilong laki.

Las wik Morobe i daunim Yunivesiti 2-1. Dispela gem referi Ivan Ngahan i givim i go long Morobe. Planti toktok i bin kamap bihain long namba tu gol bilong Morobe.

Dispela wik Morobe bai putim yet wankain pes i go insait long bungim

Rapatona. Lucas Bazo i kisim bagarap na i no bin pilai. Olsem na em bai laik bekim tru dinau bilong em.

Robert Popat husat i go pas long Morobe las wik i soim tu olsem stail bilong em i no pinis. Em i pilai tasol em i sotwin liklik. Popat bai go pas gen long ol Morobe Yunaited long dispela wik.

Strong bilong Morobe i stap long beklain. Ol i gat

strongpela beklain i save stapim ol birua. Kepten James Bayang i soim tru olsem em bai gat spes yet long Mosbi skwat long go pilai long Popondetta.

Rapatona tu i gat ol gutpela strongpela pilai. Midfil ol Rapatona bai stiaim ol long win. Alois Wabiniak na Paschalis Atolau bai go pas long helpim Rapatona.

Wabiniak i stiaim Rapatona na ol i autim Yuni na tu

Milen Be las wik. Olsem na ol Morobe Yunaited i mas tingting gut taim ol i bungim ol boi Manus.

Sapos Rapatona i ken glasim gut em i ken yusim rait sait we Yeni Barai i sanap. Dispela hap i save gat bikpela spes long putim gol. Barai i gutpela pilai tasol em i no save sanap strong taim ol birua i paia klostu klostu.

**i go moa long pes 27**

## Mosbi bai i no inapresis long U19 Sempionsip

MOSBI BAI i no inap salim Anda 19 tim i go kik long Nesenel U19 Soka Tonamen bikos pe bilong baim balus i

dia tumas. Dispela resis bai kamap long Rabaul long Fraide.


Namba tu presiden bilong Mosbi soka

Noel Bukoya i tokaut long dispela taim em i painim olsem Mosbi Soka Asosiesen (PMSA) bai tromoi K6,000 long baim tiket bilong balus.

Mista Bukoya i tok olsem dispela mani i bikpela tumas. Na dispela tonamen long Rabaul tu bai i no inap karim gutpela kaikai. Bikos prais

bilang tim i winim dispela tonamen i no bikpela tumas.

PNGFA na Coca Cola i baim liklik presen tasol. Coca Cola i baim wanpela kap na bai givim ol medal tu long ol lain husat i win na kamap namba tu.



**Vanimosoka - pes 26**

**Mosbi basketbal - pes 24**

**Lae soka - pes 26**

**Vanimosoka - pes 26**

**Mosbi dro - pes 27**

## Stail bilong Hailans ya!



• Ol wanpisin bilong Hailans i brukim bun long Hailans Zon trail long Mt Hagen. Simbu winim taitel. Poto Sape Metta.

Mausman bilong Madang soka Aron Mugalion i tok Madang i gat laik tru long bekim dinau tasol Mosbi i laki. Sapos Mosbi i kamap ating ol bai kisim taim stret long ol Madang.

Em i tok olgeta taim ol arapela senta i save lukdaun long Madang. Tasol long dispela taim em bai hat. Madang nau i laik bekim dinau tasol Mosbi i no kamap. Orait, Lae i mas lukaut long Madang long dispela wik.

Seketeri bilong PNG Futbal Asosiesen (PNGFA) Andrew Waho i tok em i no

**i go moa long pes 27**

**PORT MORESBY**

**U18 DIVISION LADDER 22.05.1989**

Division	Played	Win	Draw	Lose	Goals For	Goals Against	Points
University	7	6	0	1	16	8	18
Morobe Utd	6	4	1	1	15	5	13
Guria	7	4	1	2	10	10	13
GFC	6	3	1	2	11	8	10
Defence	6	3	1	2	10	8	10
Sunam	6	3	1	2	9	10	10
Milne Bay Utd	7	2	3	2	10	13	9
Westpac	7	2	2	3	10	13	8
Sobou	6	2	1	3	9	7	7
Wanzesi	7	1	3	3	10	14	6
B Kumuls	7	1	2	4	9	12	5
Rapatona	6	0	0	6	1	12	0

**WOMEN DIVISION LADDER 22.05.1989**

Division	Played	Win	Draw	Lose	Goals For	Goals Against	Points
Guria	6	6	0	0	22	0	18
Wanzesi	6	5	1	0	22	3	16
Morobe Utd	6	3	1	2	10	7	10
GFC	5	1	3	1	8	5	6
Westpac	6	1	3	2	5	7	6
Kula	6	1	3	2	6	17	6
Wallya	6	1	2	3	5	14	5
Sobou	5	1	1	3	3	7	4
Milne Bay Utd	6	1	1	4	4	10	4
Defence	6	1	1	4	3	18	4



Rugby

NOT TO BE SOLD

# LEAGUE

Issue Namba 16, Fonde 25-31 Me, 1989

News

## MOSBI NA NCRFL BAI BUNG

### ... sapos kibung long mun Jun i tok orait

OL EKSEKYUTIV bilong Pot Mosbi ragbi lig bai holim kibung bilong ol long arapela mun (6 Jun).

Insait long dispela kibung ol bai mekim planti toktok long wok bilong ragbi lig. Wanpela bikpela toktok em long bungim tupela ragbi lig asosiesen insait long Mosbi.

Tupela asosiesen, Nesenel Kapital na Mosbi bai bung na fomim Namba wan na Namba tu Division insait long siti.

Olpela presiden bilong Mosbi, Brian Rosanwski i bin kamapim dispela tingting. Tasol ol i no bin toktok bikos ol arapela eksekutiv bilong Mosbi i no sapatim em.

Insait long wanpela kibung bilong NCRFL (Epril 28, 1988), ol i bin sapatim tru dispela aida.

President bilong NCRFL Tau Peruka i tok em i bin toktok wantaim olgeta klap

opisal bilong em. Olgeta i wanbel long dispela tingting tasol ol i wetim tasol ol lain bilong Mosbi.

Em i tokaut olsem asosiesen bilong em bai kamap Namba tu. Na Pot Mosbi yet i ken go pas long Namba wan Divisen. Olgeta Divisen bai i gat 8-pela klap. Na ol bai i gat A gret, Resev, Anda 21, Anda 19, na Anda 17.

Sapos ol klap long Namba wan Divisen i no strong orait ol bai go daun long Namba tu Divisen. Na ol primia tim bilong Namba tu Divisen i strong bai go antap long Namba wan Divisen.

Insait long ripot i kamap long RLN Namba 3 long mun Mas, 1988, Mr Peruka i sapatim tru dispela aida.

Em i tokim RLN long dispela wik olsem ol i no toktok yet wantaim ol opisel bilong Mosbi. NCRFL i sapatim aidai bikos dispela tingting bai

helpim tru ragbi insait long Mosbi siti.

Sapos olgeta toktok i stret insait long kibung long Jun, tupela asosiesen bai go het long fomim tupela divisen. Dispela bai kamap long neks sisen.

Insait long ol arapela stori PNGRFL i wok long tingting planti tru long stail na we bilong gem insait long Mosbi. Ol i askim pinis Mosbi ragbi lig long autim tupela klap na ol i mas gat 8-pela klap tasol long neks yia.

Ol bai katim daun tim long mak bilong sempionsip. Nau planti klap na dispela i no helpim tru stail bilong ragbi insait long Mosbi siti.

RLN i no inap kisim toktok bilong seketeri bilong PNGRFL Martin Adamson na tu presiden bilong PRL, Tony Huai long pinisim dispela stori.


## Bom i pairap!



•Kumul pilaia na bikpela prop bilong Goroka, Yer Bom i laik pairapim nau dispela pilaia bilong Mendi Muruks. Dispela samting i bin kamap long Hagen long taim bilong Hailans zon seleksen resis. Mendi i bin winim gem. Poto: SAPE METTE.

**SHOWA ARCO Solar**  **solar energy systems** png pty ltd Ph: 25 3555

ANYWHERE LIGHT



Insait long dispela Kit i gat ol dispela samting:

1. 11 watt strongpela pawa Sola Modul.
2. kontrol divais.
3. bateri (sopos yu laik).
4. gutpela strongpela lait ★ kaibol.

**Olgeta Kit em i K199 Tasol!**

PAWA I KAM LONG SAN I GIVIM YOU GUTPELA LAIP TRU!



**LEOPARD LANTERN**  
Sola Vilis Lait, karim wantaim yu long wanem hap yu go long en.

**Olgeta Kit em i K210 Tasol!**

*Leopard Lam na Ol Liklik Paket Lait i stap long ol lain i save salim ol samting bilong Solar Energy Systems i stap long lis bilo.*

*Solar Frisa Kit, TV, Vidio Kit na Redio Kit tu i stap.*

*Askim Mipela long Solar Sekuriti Lait!*

Distributed by **HITRON Pty Ltd**  
PH: 72 2311 (Goroka)

**HITRON** c/o R.H.C.T.V.  
PH: 92 2995 (Rabaul)

**ELECTRICAL WHOLESALERS**  
Pty Ltd. PH: 25 6066 (POM)

**Ol boi Wewak i sambai**



•Ol lain boi bilong Wewak i sindaun na redi long go insait long fil long Sarere. Dispela tim bilong ol manki Sepik ya i bin kamap long Wewak na stap insait long Noten zon resis. Ol i bin salensim Kainantu long Sarere na nekim ol. Long Sande, ol i lus long Madang.

**Morobe Country traim tasol**



•Representativ tim bilong Morobe Country. Dispela tim i gat sampela kain stail pikinini bilong pilai tu i stap. Tasol i luk olsem ol i no strong tumas long Sarere na Ramu i bagarapim sindaun bilong ol. Em i orait, samting bilong traim tasol. Ol Poto: FRANCIS ULIAU.



• Ben Bire bilong Tarangau i painim olsem em i nogat wanpela rot bilong ranawe long han bilong dispela pilaia bilong Magani long las wik.

Tasol Tarangau i bihainim skul bilong kosa John Wagambie na bagarapim sindaun bilong ol lain boi bilong Magani.

**Noten Zon i kamap strong**

FRANCIS ULIAU  
i raitim

NOTEN ZON nau i wok long kamapim nem. Olgeta pilai i bin kamap gut na i soim tru olsem ol arapela zon i mas lukaut long Noten Zone.

Olgeta biknem senta long Noten zon i bin kamap. Ramu, Kainantu, Wewak, Vanimo, Lae na Madang.

Ol skoa i bin kamap long las wik i soim tru olsem Noten Zon i wok long strong nau. Olgeta skoa i liklik tasol. Ramu i autim Morobe Country 22-14, Vanimo i kaikaim ol Wau/Bulolo 28-20, Wewak autim tiket bilong Kainantu 36-24 na Madang i mekim save long Lae 30-26.

Bikpela fainal namel long Madang na Wewak i soim tru olsem Noten Zon i gat nem. Tupela tim wantaim i bin pilai gut tru. Bikpela ren i pundaun tasol ol tim i no wari tasol Madang i soim strong na winim Wewak 18-8.

Arapela gutpela gem i bin stap namel long Wewak na Kainantu. Wewak i gat planti ol yangpela pilaia i soim tru olsem taim bilong Kainantu i pinis.

Tupela tim i pilai strong tru tasol Wewak i sakim ol lain Kainantu i go arere. Long namba wan hap Wewak i go pas long 30 poin, Kainantu i no putim wanpela trai.

Wewak i slek taim tupela pilaia Karu Paul na Gerry Augwi i lusim ples pilai. Tupela pilaia ya i kisim liklik bagarap long namba wan hap.

Olsem na taim Wewak i autim Kainantu em i gat sans long bungim Madang long fainal. Dispela pilai i bin kamap gut. Tupela wantaim i pilai strong.

Planti ol sapota i bin lusim Lae, Ramu na Kainantu long kamdaun lukim pilai long Madang. Insait long gem bipo long fainal i kamap, Lae i autim belhat bilong em na wiliwilim stret Kainantu 36-0.

**Noten Zon tok lukaut..... em ya skwat bilong mipela**

NOTEN Zon i makim skwat bilong em bihain long Noten Zon trails i bin kamap long Madang las wik. Olgeta pilai i bin kamap long Ron Albert Oval.

Bikpela ren i bin bagarapim olgeta pilai. Tasol ol pilaia i no wari, ol i givim olgeta laik bilong ragbi na kamapim namba wan pilai stret.

Seketeri bilong PNGRFL Martin Adamson tu i bin stap long dispela bikpela pilai. Dispela em lista bilong ol pilaia bilong Noten Zon skwat: John Solomon, Saku Agi, James Miviri, Mathrew, Esau Baloiloi, Ngala Lapan, Dicka Moiga, Katu Yapi, James Glen, Joe Tona, Peter Niaga, Palu Labu, John Bob, Andrew Kuno na Rik Daki. (Nem bilong tupela Kainantu pilaia i no stap).


Francis Biroro i kisim wok kosa, Adrew Limi (Lae) i kamap trena na Dekot Koki bilong Kainantu em tim menesa.

Kosa Francis Biroro i tok em i gat gutpela skwat. Olgeta pilaia i yangpela na gat strong long daunim ol pilaia bilong Hailans.

Mausman bilong Madang Ragbi Lig, Vincent Salle i tokim RLN olsem gutpela pilai i bin kamap namel long Wewak and Madang. Tasol bikpela ren i bagarapim ol pilai.

Tupela tim i dro 8-8 long hap taim. Tasol bihain Madang i putim strongpela banis na banisim gut ol Wewak. Olsem na Madang tasol i strong i go na putim trai long winim dispela gem 18-8.

Saku Agi bilong Madang i winim tru bikpela sapot. Tupela arapela pilai long strongim Wewak em Peter Niaga na Paul Labu.



•Ellery Hanley i sem long niusman i kisim poto bilong em na tanim i go bek long ka.

•Martin Ofiah bilong Roosters i givim kosa skol

## Ofiah i redi tasol long autim Hanley

OL i wok long kolim dispela samting olsem "Hai Nun"-long dispela de long Sidni Futbal Stadium Ellery Hanley na Martin Ofiah bai bung.

Dispela tupela man i save kisim bikpela mani tru long pilai ragbi. Tupela i winim olgeta arapela lain long wol.

Hanley i wok long redi nau na sindaun wantaim nupela tim bilong em, Wests, em bai bungim Ofiah bilong Easts. Na tupela bai traime strong.

Ofiah i save spit moa yet long Ingran. Em i save pilai long wing.

Ofiah i bin putim pinis 100 trai olgeta insait long 171/2 mun tasol. Na long ron long 100 mita, Ofiah i save winim 10.9 sekens tasol. Dispela i mekim em i spit moa long ol arapela ragbi pilaia long wol.

Na dispela tupela man i bin bung wantaim long wanpela taim. Ofiah i bin go pas long sampela kosa klinik long Centennial Pak. Na wanpela niusman i bin stap kisim poto bilong em.

Taim dispela niusman i bin tanim, em i lukim narapela blakman i sanap long sait bilong

banis na lukluk i stap.

Dispela arapela man em Hanley. Em i lukim olsem na kisim poto bilong Hanley. Tasol Hanley i no amamas na tanim na wokabaut i go bek long ka bilong em.

Tasol Ofiah i no inap long tokaut long wanem as tru na Hanley i sem olsem. Na em i no inap toktok moa.

Easts i save baim K7,000 long Ofiah bihain long wanpela gem em i pilai long em. Tasol long dispela taim em i stap pilai wantaim Roosters, em i wok long soim tru olsem dispela mani

bilong ol i no lus nating.

Taim Hanley i bin kamap long kem bilong Balmain las yia, kosa bilong tim Warren Ryan i bin tok olsem dispela man i gat gutpela save bilong pilai. Na taim em i stat trening, em i luk fit tasol.

Na dispela i wankain tu long kosa bilong Easts, Russel Fairfax.

"Dispela man i gutpela tru na mi amamas long trening bilong em. Em i no save komplén. Em i luk olsem wanpela profesenel pilaia stret.

Ofiah i wok long kamapim gutpela nem nau long tim.

NOGAT wanpela samting i bin kamap long sait bilong mi tupela wik olgeta long wanem sampela hevi i bin kamap.

Gem bilong Mosbi long dispela wiken em Raun namba 2. Bikpela pilai bai stap namel long Hastings Defence na Air Niugini long Sande.

Defence i mas winim dispela gem na narapela long Trinde nait long toksave long ol birua olsem ol soldia i no laik pilai kaskas moa. Na dispela tingting bai stap olsem inap long gren fainal de.

Sapos ol birua bilong ol i autim ol soldia long dispela wiken, ating Defence bai tokauy olsem ol lain bilong giaman tasol. Ol i no laik resis long winim tru taitel.

Defence i gat ol gutpela pilaia, tasol bikpela samting em ol lain soldia ya i mas mekim em long bihainim stail bilong ol long pilai. Na dispela kain stail bilong pilai i mas stap i go inap long taim gem i pinis.

Ol selekta bilong Saten zon i bin makim wanpela gutpela sait bilong resis. Dispela sait i gat planti ol yangpela na ekspirien pilaia i stap insait.

Seleksen bilong skwat i soim tu olsem ol selekta i bin lukluk tu long kain stail bilong pilai insait long wanwan klap. Na dispela i gutpela.

I luk olsem dispela ol pilaia husat i stap long skwat bai pilai gut. Wantaim helpim bilong tupela lapun ya, Joe Gispe na Tuyo Evei long tim, Saten zon bai holim yet taitel olsem sempion ragbi senta long kantri.

Arapela bikpela samting long ol dispela resis bilong zon em ol lain boi bilong Noten zon. Dispela ol lain bai wokim nem yet. Dispela long wanem long ol dispela eksekutiv nau i holim ol wok olsem kosa, menesa na trenas.

Bikpela wok bilong ol pilaia nau em long rausim dispela mak olsem tim long daunbilo na kalap i go antap. Las taim bilong Noten zon long go insait long gren fainal em long 1979. Long dispela taim ol i bin salensim Hailans zon.

Long dispela taim mi bin stap wantaim tim na sapotim yet ol wantok long Noten zon.

Na long ol pilaia bilong Mosbi long dispela wiken, Defence bai winim Air Niugini, Magani bai sutim nus bilong West, Paga Panthers bai nekim Kone Tigers, Tarangau bai autim DCA na Brothers bai bagarapim stret sindaun bilong Hawks.

# Winfield 25's

Government Warning Smoking is Dangerous to Health



# BENSON and HEDGES

WEEKLY POINT LADDER & DRAW TABLE

## LEAGUE NEWS

### Port Moresby

**RUGBY LEAGUE**  
Saturday 29th April, 1989.  
Lloyd Robson Oval

11.15	Res	Wests	v	Magani
12.45	Res	Hawks	v	Brothers
2.15	A	Wests	v	Magani
3.45	A	Hawks	v	Brothers
<b>OVAL No: 2</b>				
10.00	U17	Wests	v	Magani
11.00	U19	Wests	v	Magani
12.00	U17	ANG	v	Defence
1.00	U17	Hawks	v	Brothers
2.00	U19	Hawks	v	Brothers
<b>OVAL No: 3</b>				
10.00	U17	Kone	v	Paga
11.00	U19	Kone	v	Paga
12.00	U17	Tarangau	v	DCA
1.00	U19	Tarangau	v	DCA
2.00	U19	ANG	v	Defence

Sunday 28th May, 1989.  
Lloyd Robson Oval

10.00	3rd Res	ANG	v	Defence
11.15	Res	ANG	v	Defence
12.45	A	Kone	v	Paga
2.00	A	Tarangau	v	DCA
4.00	A	ANG	v	Defence
<b>OVAL No: 2</b>				
10.00	3rd Grd	Kone	v	Paga
11.15	Res	Kone	v	Paga
12.45	3rd Grd	Wests	v	Magani
<b>OVAL No: 3</b>				
10.00	3rd Grd	Tarangau	v	DCA
11.15	Res	Tarangau	v	DCA
12.45	3rd Grd	Hawks	v	Brothers

\* 4th game to Lloyd Robson Oval.

### Bougainville

**Rugby League**  
Saturday 27th May, 1989  
Arawa

10.00	U17	Snafu	vs	Muruks
11.15	U19	Snafu	vs	Muruks
12.30	C Gr	Snafu	vs	Muruks
2.00	B Gr	Snafu	vs	Muruks
3.30	A Gr	Snafu	vs	Muruks
<b>Loloho</b>				
10.00	U17	Dolphins	vs	Poroncos
11.15	U19	Dolphins	vs	Poroncos
12.30	C Gr	Dolphins	vs	Poroncos
2.00	B Gr	Dolphins	vs	Poroncos
3.30	A Gr	Dolphins	vs	Poroncos
<b>Arawa</b>				
10.00	U17	Barbarians	vs	Panthers
11.15	U19	Barbarians	vs	Panthers
12.30	C Gr	Barbarians	vs	Panthers
2.00	B Gr	Barbarians	vs	Panthers
3.30	A Gr	Barbarians	vs	Panthers

### National Capital

**Rugby Football League**  
Saturday 27th May, 1989

9.45	U17	Bomana	v	Korobosea
10.50	U17	Tokarara	v	Walgani
12.00	U19	Bomana	v	Korobosea
1.15	U19	Tokarara	v	Walgani
2.30	Res	Bomana	v	Korobosea
4.00	A	Bomana	v	Korobosea
<b>SUNDAY 28th May, 1989</b>				
9.00	U17	J/Valley	v	Boroko
10.05	U19	J/Valley	v	Boroko
11.20	Res	Tokarara	v	Walgani
12.50	Res	J/Valley	v	Boroko
2.20	A Gr	Tokarara	v	Walgani
4.00	A Gr	J/Valley	v	Boroko

### Minj

**Football League**  
Saturday 27th May, 1989

Time	Grade	Team	vs	Team
10.10	U/19	Royals	vs	Brothers
11.00	U/19	Bob Eagles	vs	Panthers
11.00	U/19	Tigers	vs	Hawks
12.00	Res	Royals	vs	Brothers
1.00	Res	Bob Eagles	vs	Panthers
2.00	Res	Tigers	vs	Hawks
3.10	A Gr	Royals	vs	Brothers
4.20	A Gr	Bob Eagles	vs	Panthers
5.00	A Gr	Tigers	vs	Hawks
<b>Sunday 28th May, 1989</b>				
9.00	U19	West	vs	Tigers
10.00	U19	Hawks	vs	Bob Eagles
11.00	U19	Panthers	vs	Royals
12.00	Res	West	vs	Tigers
1.00	Res	Hawks	vs	Bob Eagles
2.00	Res	Panthers	vs	Royals
3.10	A Gr	Wests	vs	Tigers
4.20	A Gr	Hawks	vs	Bob Eagles
5.00	A Gr	Panthers	vs	Royals
Bye: Brothers				

### Kimbe

**Rugby League**  
Saturday 27th May, 1989

10.00	U17	Muruks	v	Tarangau
11.00	U17	Umboli	v	Hawks
12.00	U17	Brothers	v	United
1.30	U19	Muruks	v	Tarangau
2.30	B	Muruks	v	Tarangau
3.30	A	Muruks	v	Tarangau
<b>Sunday 28th May, 1989</b>				
10.00	U19	Umboli	v	Hawks
11.00	U19	Brothers	v	United
12.00	B	Umboli	v	Hawks
1.30	B	Brothers	v	United
2.30	A	Brothers	v	United
3.30	A	Umboli	v	Hawks

## RUGBY LEAGUE LADDER

<b>PORT MORESBY</b>	<b>KIMBE</b>	<b>MADANG</b>
Brothers _____ 14	Muruks _____ 13	Panthers _____ 8
Defence _____ 12	Umboli _____ 11	ANG _____ 8
Air Niugini _____ 11	Brothers _____ 11	Brothers _____ 6
Wests _____ 10	Hawks _____ 9	Hawks _____ 4
Paga _____ 10	United _____ 6	Tigers _____ 2
Kone Tigers _____ 9	Tarangau _____ 6	Tarangau _____ 2
Magani _____ 8		
Tarangau _____ 8	<b>RABAU</b>	<b>MINJ</b>
DCA _____ 4	Brothers _____ 8	Panthers _____ 8
Hawks _____ 2	Sea Eagles _____ 6	Royals _____ 6
	Air Niugini _____ 6	Wests _____ 5
<b>NATIONAL CAPITAL</b>	Norths _____ 4	Tigers _____ 4
Korobosea _____ 10	Muruks _____ 4	Hawks _____ 3
Hohola _____ 6	Balanataman _____ 2	Eagles _____ 0
Waigani _____ 6	Crusaders _____ 2	
Bomana _____ 6	Tarangau _____ 0	<b>RAMU</b>
Tokarara _____ 6		Magani _____ 8
June Valley _____ 2	<b>WEWAK</b>	Yonki _____ 8
Boroko _____ 0	Defence _____ 12	Tarangau _____ 6
	Country _____ 10	Souths _____ 4
<b>MT HAGEN</b>	Works _____ 8	Hupai _____ 2
Newton Jets _____ 17	Tarangau _____ 6	Brothers _____ 2
Hawks _____ 12	Royals _____ 6	
Tarangau _____ 11	Tigers _____ 2	<b>PANGIA</b>
Country _____ 10	Wharfies _____ 0	Tarangau _____ 8
Tigers _____ 10		Topa Eels _____ 7
Magani _____ 7		M Bulldogs _____ 6
Brothers _____ 4		West _____ 3
Royals _____ 4		South Tigers _____ 1



## PROVINCIAL LEAGUE

### Lac

**Rugby League**  
Round - 7  
Saturday 27th May, 1989

<b>Outside Ground</b>		
9.00	U17	Tigers v Defence
10.00	U17	Tigers v Defence
11.30	B Gr	Tigers v Magani
1.00	B Gr	Brothers v Defence
2.30	B Gr	Spiders v Panthers
4.00	A Gr	Tigers v Magani
<b>Inside Ground</b>		
9.00	U19	Panthers v Brothers
10.00	U19	Tigers v Royals
11.30	B Gr	Panthers v Brothers
1.00	B Gr	Tigers v Royals
2.30	B Gr	Panthers v Brothers
4.00	A Gr	Tigers v Royals
<b>Sunday 28th May, 1989</b>		
<b>Outside Ground</b>		
9.00	U17	Spiders v Defence
10.00	U17	Magani v Tarangau
<b>Inside Ground</b>		
9.00	U19	Panthers v Tarangau
10.00	U19	Panthers v Tarangau
11.30	B Gr	Tarangau v Royals
1.00	B Gr	Brothers v Defence
2.30	A Gr	Spiders v Panthers
4.00	A Gr	Tarangau v Royals

### Kavieng

Saturday 27th May, 1989

11.00	U17	Tarakum	v	Snafu
12.00	U19	Tarakum	v	Snafu
1.00	Res	Tarakum	v	Snafu
2.20	A	Tarakum	v	Snafu

Sunday 28th May, 1989

11.00	U17	Muruks	v	Brothers
12.00	U19	Muruks	v	Brothers
1.00	Res	Muruks	v	Brothers
2.00	A	Muruks	v	Brothers



## RUGBY LEAGUE LADDER

### KAVIENG

Muruks _____ 10
Snafu _____ 7
Tarakum _____ 4
Sea Eagles _____ 3
Brothers _____ 0





## REFEREE'S CORNER!

LONG tupela namba wan stori bilong mipela long referi kona, mipela i bin painim liklik hevi. Sampela ol samting i no bin kamap. Olsem na mipela i laik tok sori long dispela.

Olsem na nau bai mipela i stretim ol dispela asua na putim kamap "Index" bilong ol Intanesenel Rul na putim olgeta samting i stap insait long Seksen 1 (The Playing Field) na Seksen 2 (Glossary of Terms) insait long dispela buk, "International Laws of the Game."

Ol toktok bilong Index na Seksen 1 i bin kamap wantaim long namba tu stori long referi kona. Na stori bilong Seksen 2 bai kamap long namba 4 referi kona.

Na long dispela wik, mipela i gat wanpela nupela samting bilong soim yupela. Lukluk long namel na i gat bikpela piksa bilong ragbi fil i stap. Dispela em i bilong yu long pilai wantaim mipela long dispela kona.

Dispela pilai bai i kamap bihainim ol askim na bekim long ol stori bilong referi kona long bihain. Na dispela pilai bai i stap olsem inap long pinis bilong yia.

I gutpela sapos yupela i bihainim ol dispela rot;

i. Putim fil bilong yu long wanpela strongpela pepa. Dispela pepa bai i no inap bagarap hariap.  
ii. Rausim ol 13 Red pilai long wanpela sait na ol lain Gol ya long arapela sait. Putim ol long wanpela bokis o katen bai ol i no ken bagarap.

iii. Katim fil bilong yu i go daun long ol saitlain na dedbal lain. Bihain pasim fil bilong yu long tupela hap. Pasim stret long namel na dispela bai isi long yu putim i go stap gut long bihain taim.

Mipela bai stat yusim dispela fil na ol pilai long neks wik long tokaut long ol mining bilong ol samting.

Narapela ol samting long dispela referi kona em;

- a.) INDEX wantaim liklik sapot toktok,
- b.) PLAYING FIELD, liklik plen na ol toktok
- c.) GLOSSARY OF TERMS, dispela em sampela mining bilong ol hap toktok bai i kamap bihain.

### THE INTERNATIONAL LAWS OF THE GAME AND NOTES ON THE LAWS APPROVED BY THE INTERNATIONAL BOARD

SECTION	Page	
SECTION 1	Playing Field	2
SECTION 2	Glossary	4
SECTION 3	Ball	8
SECTION 4	Player and Players Equipment	9
SECTION 5	Mode of Play	11
SECTION 6	Scoring	12
SECTION 7	Timekeeping	16
SECTION 8	Kick-off and Drop-Out	18
SECTION 9	Touch and Touch-In-Goal	21
SECTION 10	Knock-on and Forward Pass	22
SECTION 11	Tackle and Play-the-Ball	23
SECTION 12	Scrum	29
SECTION 13	Penalty Kick	33
SECTION 14	Offside	36
SECTION 15	Misconduct	38
SECTION 16	Referee and Touch-Judges	41
SECTION 17	Referee's Signals	46

LO I STAP ANINIT LONG OLGETA SEKSEN I GAT TOK ORAIT LONG PUTIM LONG PEPA NA TANIM OL DISPELA LO.


#### NOTES:

1. Ol Tas Lain i stap long Tas, ol Tas-In-Gol lain i stap long Tas-In-Gol, ol Gol-Lain i stap long In-Gol mak na Ded-Bal Lain i stap longwe long In-Gol.
2.  i makim kona pos (Lukim long Glossary) i stap long ples gol-lain na tas-lain i bung. Kona pos i stap long tas-in-gol. Ol lainsman i mas lukim olsem ol kona pos i mas stap stret long hap bilong ol.
3. Gol pos i ken stap long kainkain sais. Tasol lo i tok olsem, ol lain husat i sanapim dispela pos i mas banisim 2 mita bilong dispela gol pos long graun i go antap long samting i no strong. Kain ol samting ol matres bai gutpela stret.

4. Long resis bilong ol bikpela man na meri, fil i mas bikpela na bihain lo bilong Intanesenel Rul buk. Na dispela i mas bihainim tu rul bilong dispela resis.

#### SECTION 1 THE PLAYING FIELD

The PLAN and markings thereon and the Notes relating thereto are part of these Laws.



5. Ol hapmak i stap long PLEN i no winim mak bilong 2 mita. I gutpela long makim ol dispela lain long fil. Tasol sapos lo bilong resis i tambu, dispela ol lain bai i no inap abrusim 15 mita.

#### Seksen 2: Glossary

EDVENTES - Larim long pilai i go het sapos wanpela memba bilong tim i no holim bal o kamapim dispela asua.

ATEKING TIM - Ol tim husat i redi tasol long pait long kisim bek bal long ol birua. Sapos bal i kamap long skram na birua i kisim orait arapela tim bai kamap olsem ateking tim.

BEK - min long ol pilai husat i no save stap insait long skram long winim ba.

BALLBEK - min olsem ol i fomim skram long we ol i bin kikim bal.

BIHAIN - i min olsem taim bom i kamap yu mas sanap tasol na holim bal. Sapos yu mov em ol bai wokim tep.

BLAIN SAIT - pilai i kamap arere long skram bes. Sapos klostu long trai lain i min olsem long ples klia.

SASING DAUN - traime long stopim bal taim birua i kikim

KONVERSEN TRAI - ol kikim gol bihain long ol putim trai.

KONA POS - em ol pos i save sanap long kona bilong olgeta ragbi fil.

DED BAL - i min olsem pilai i stap. Ol i mas statim gen.

DIFENDING TIM - tim i was long birua.

DIFERENSIAL PENALTI - dispela arakain penalti kik. Ol i no save putim go long dispela.

DROP GOL - ol i tromoi bal i go daun na kikim gol. Ol i save kolim dispela olsem Fil Gol.

DROP KIK - dispela em long tromoi bal i go daun na kik.

DROP AUT - ol i kikim bal namel long pos o long senta long statim gen pilai.

DAMI - olsem giman na bihain salim bal i go long arapela pilai.

FIELD OV PLAY - dispela eria we olgeta gem i mas kamap. Dispela i no kaunim ol gol eria.

FOWAT - Em ol pilai husat i save go pas long wokim skram.

FOWAT PAS - bal i go pas long man

FAUL PLAY - lukim long Seksen 15 Lo 1 (a) (b) (c) na (d).

FRI KIK - em kik i save kamap taim liklik birua i kamap. Ol i save kikim long painim lain long kirapim gen gem.

FULLTAIM - min olsem gem i pinis.

JENEREL PLAY - em i min olsem em pilai ragbi.

GOL - Lukim seksen 6.

moa long neks wik...

## Rugby League News

Player of the Week



Name: DILU SIUNE

Age: 22

Club: TARANGAU (POM) Division: A GRADE

Position: INSIDE CENTRE

Background: STARTED PLAYING RUGBY IN THE U60 kg IN THE KEROWAGI TEAM IN 1982.

1987: PLAYED ABOUT 6 GAMES WITH SIMBU HAWKS IN KUNDIAWA

1987: PLAYED WITH THE UPNGRFL, BLUE SPIDERS.

Greatest Achievements: WAS IN THE BLUE SPIDERS TEAM THAT TOOK OUT THE GRANDFINAL RACE AT UPNGRFL TWO CONSECUTIVE YEARS, 1987/1988.

Home Province: SIMBU Village: MINDIMA, KUNDIAWA

Number of Brothers/Sisters

in the family: HAS A BROTHERS & TWO SISTERS.

Any family members who has played rugby in the past? NONE!

Past teams and clubs: SIMBU HAWKS (1987)

BLUE SPIDERS (UPNGRFL)

BIKSI RAIDERS (Rugby Union, 1988 as a

breakaway).

JOINED TARANGAU DUE TO THE INFLUENCE OF PAUL PIRU. BUT I ALSO FEEL COMFORTABLE PLAYING BESIDES MY TEAM MATES RFROM BLUE SPIDERS, PHILIP GUS & JOHN BAKA.

What he thinks of the team: ALTHOUGH WE HAVE A RELATIVELY NEW SIDE WITH THE EXCEPTION OF BEN BIRE AND RICHARD WAGAMBIE, TEAM SPIRIT IS VERY HIGH. COACH JOHN WAGAMBIE HAS INSTILLED CONFIDENCE IN HIS YOUNG CHARGES AND THEY SEEM TO BE GOING FROM STRENGTH TO STRENGTH.

WE WILL MAKE THE FINAL FIVE. WE HAVE DEFEATED TWO OF THE TOP TEAMS IN THE COMPETITION AND THAT SHOULD SPEAK FOR ITSELF.

Occupation: COMMERCE STUDENT AT THE UNIVERSITY OF PAPUA NEW GUINEA IN PORT MORESBY.

PNG'n Hero: UNDOUBTEDLY BAL NUMAPO, THE INCUMBENT KUMUL CENTRE IS HIS HERO.

Major Awards: HAS NOT WON ANY BUT IS LOOKING FORWARD TO A REPRESENTATIVE JUMBER IN THE NOT TOO DISTANT FUTURE. HAS BEEN MISTAKEN BY MANY AS FORMER NORTHERN ZONE PLAYER, DELU SINE.

Aim: TO PUT TARANGAU IN THE FINAL FIVE.

WHEN NOT PLAYING, SIUNE ENJOYS GOING FOR BUSRIDES.

# Namba wan meri i wok klostu tru wantaim ragbi

KIMBE ragbi lig i brukim tru rekot. Oli makim wanpela meri olsem Tim Menesa bilong ragbi lig tim bilong ol. Dispela tim bai pilai insait long Niugini Ailan Inta Zon trails. Sempinship bai kamap

long Rabaul long dispela wik.

Nem bilong dispela meri em Terry Diana Karingal. Em i marit na i gat tupela pikini.

Karingal i gat bikpela nem tru long wok bilong softball insait long Wes Nu Briten. Em i bin holim

wok olsem edministrate inap 10-pela yia olgeta. Orait bihain em i joinim ragbi lig tim bilong Hoskins Muruks.

Presiden bilong Kimbe ragbi lig Gerry Luru i tok em i namba wan meri tru long kamapim nupela stori insait long ragbi.

Em i tok dispela em i pilai bilong ol man tasol em i no wari. Em i givim taim bilong em long helpim ol spot bilong ol man. Em i namba wan meri tru. Em i wankain olsem wanpela referi meri bilong Australia.

Mista Luru i tok Karingal i mekim



•Mrs Karingal

planti wok tru long sapatim ragbi lig long Kimbe. Nau ol lain bilong ragbi lig i luk-save long hatwok bilong em na makim em long lukautim skwat bilong Kimbe.

Krismas bilong Karingal em 29 tasol em i no wari. Maski em i mama tasol em i save helpim tru klap bilong em Hoskins Muruks. Nau ol i sensim nem long Twisties Muruks.

Misis Karingal i save lukautim mani bilong Hoskins Muruks. Arapela bikpela wok tu nau em i laik kamap kosa bilong tim. Em i wok wantaim kosa Maniot Kaliop long kosim tim bilong ol.

Em i tokim RLN olsem em i namba wan meri na em i wok hat long kamapim gutpela nem.



•Kosa bilong Mendi Muruks, Kore Seeto i abrusim Peter Launa bilong Goroka long bikpela Hailans zon resis. Dispela resis i bin kamap long Hagen. Muruks i bin kamapim strongpela pilai tru na sutim bel bilong Goroka 44-18. Kore i stap insait long Hailans zon skwat. Poto: SAPE METTA.

## Olpela Goroka i dai pinis

SAPE META i raitim

GOROKA em wanpela top asosiesen long Hailans inap tripela yia olgeta. Em i bosim taitel long 1984, 1985 na 1986. Na em i kamapim planti ol pilaia long Hailans zon na tu planti i winim spes long Kumul.

Tasol bihain long dispela yia nau Goroka i no strong tumas. Pawa bilong em i slek liklik. Nau yet ol i gat tripela pilaia tasol long Hailans zon. Dispela Hailans zon bai bungim Noten zone long 11 June.

Presiden bilong United Ragbi Lig klap Saikone Kiopane i tokim RLN olsem em i sutim tok long ol selekta. Ol i no makim ol gutpela pilaia long tim. Ol i wansait na kaikai bilong wansait i karim kaikai.

Ol selekta i makim tim na go long Hagen. Ol i lus nogut long Hagen 1 36-16 na tu Mendi Muruks i wilwilim ol gut 44-18. Dispela i soim olsem pawa bilong Goroka i pinis.

Mista Kiopane i tokaut olsem ol i apim nem bilong ol tasol nogat wanpela samting i karim kaikai. Ol i go na salim long ol arapela tim bilong Hailans.

Em i tok planti sapota i bin kamap long Hagen long givim sapat. Tasol Goroka i no win. Ol i lus.

Presiden i tokaut olsem em i no sutim tok long ol pilaia. Ol selekta i mas karim hevi. Ol tasol i no makim ol gutpela pilaia na Goroka sait i lus. Nau planti ol sapota i no gat bilip long ol selekta bilong Goroka Lig.

Wanpela gutpela piksa em, Hubert Pokana, wanpela winga bilong Hailans Zon. Tasol ol selekta i no makim em. Ol i kisim ol arapela lain. Na bihain ol i laik go pilai ol i askim em tasol Pokana i no laik.

Mista Kiopane i tok ol i amamas long go apim nem bilong ol tasol ol i no tingting long pilai ragbi.

## June Valley bai salim Boroko long kaikai das

SUMEEO KAKARERE i raitim

JUNE VALLEY i gat bikpela laik tru long daunim Boroko taim tupela i bung. Tupela bai pait long bikpela gem bilong ragbi lig long Nissan Nesanel Kepital lig long dispela wiken.

June Valley i bin nekim ol lain Waigani 40-20. Sapos Boroko i no was gut, ol bai kisim wankain solap. Ol June Valley bai mekim save long ol.

Tupela tim wantaim i no winim wanpela gem taim sisen i stat. Ol June Valley i kisim tupela poin las wik. Tasol ol lain Boroko i no winim yet wapela gem bilong ol.

Ol Boroko bai wokim sampela puripuri long winim dispela gem. Boroko i gat tupela pilaia i gat nem long pilai represativ futbol. Nem bilong tupela em Tei Saveki an Robert Safamo.

Boroko tu i gat teksi ya. Nem bilong ol em winga Steve Umare na fulbek Michael Prekon.

Long ol arapela pilai i bin kamap las wik, ol strongpela fowat olsem Peter Kuri, Benny Amo na Moses Sina i kamapim gutpela pilai stret. Ol i save putim strongpela banis long stapim ol birua bilong ol.

Ol Boroko i mas painim wanpela gutpela pilaia i ken ritim gem na helpim ol long win. Planti bilong ol i bin pilai gut tru na win. Tasol ol i no gat gutpela lida long helpim ol

long mekim ol i win.

June Valley i laik bekim dinau. Bikos ol i bin kaikai das bilong Boroko las wik 40-20.

Strong bilong June Valley i stap long huka Simon Basis'o. Em bai rekim planti bal long winim gem. Na arapela strongpela pilaia bai sapatim Simon em Tamati Kaiva. Em i save bagarapim tru ol lain bilong ol birua tim. Sapos ol lain i no was gut ol bai kisim taim yet.

John Rogae, Kingley Sino na tupela winga James Ume na Peter Aiya bai traime helpim tim long win. Ol dispela lain em teksi stret bilong June Valley.

Jeoffrey Seki i wok long kikim gut ol konvesen. Olsem na ol June Valley bai i no inap wari long winim dispela gem.

Insait long ol arapela pilai, Korobesa bai winim yet ol Bomana long Sarere. Korobesea i bin soim pawa bilong em taim ol i autim Hohola 32-8. Hohola em primia bilong las yia tasol olgeta pawa bilong em i slek nau.

Gutpela pilai long sindaun na lukluk em Tokarara na Waigani. Tupela nau i sindaun long namba tu ples. Ol i stap wantaim Hohola na Bomana.

Miria Aihi bai go pas long Tokarara na Lako Sevese bai go pas long Wagani.

## Defence bai traime win bilong Air Niugini

MOSBI

AIR NIUGINI bai painim hat taim ol i bungim Defence long bikpela gem bilong ragbi lig long Mosbi. Dispela gem bai kamap Sande.

Air Niugini nau i lap long ol arapela tim. Ol i kisim ol top pilaia insait long kantri long helpim tim bilong ol. Tupela nupela pilaia nau i wok long paia stret long franlain bilong Air Niugini em Joe Gispe bilong Rabaul Muruks na Tuyo Evei bilong Hawks long Hagen. Air Niugini klap i kisim ol na ol i pilai long Mosbi.

Trensfea fi bilong Joe Gispe i dia tumas. Air Niugini i bin baim K800 olgeta long em i lusim Muruks na kam pilai long tim bilong ol.

Air Niugini i gat planti ol pilaia bilong Kumul i stap long tim. Ol biknem olsem Tony Kila, Sawi Kaeta, Joe Gispe, Tuyo Evei, Mea Morea na Kepi Saea. Na ol arapela pilaia i gat nem long Mosbi olsem yangpela John Oeaka, Moale Nou, na Palme Mond bai sapatim tim bilong ol.

Ol pilaia bilong Air Niugini i noken lukdaun tumas long Defence. Defence i bin tanim plet stret. Planti ol lain i tok olsem Kone Tigers bai autim tiket bilong ol tasol Defence i tanim na bomim Kone Tigers 36-12.

Tupela tim wantaim i gat wankain strong. Tasol husat tim i fit bai winim yet dispela gem.

Long sait bilong Defence, sotpela huka bilong ol Alex Togola bai go pas long tim. Robert Kubak na yangpela fowat Jeoffrey Kubak na William Gube bai helpim em.

Kubak i bin soim tru olsem ol pilaia bilong Air Niugini i mas lukaut long em. Bikos las wik em i pilai strong tru na nekim Tigers na winim awot bilong "Man of the Match".

Long franlain bilong Air Niugini, Tuyo Evei na Joe Gispe bai go pas long dispela gem. Tupela i bin pilaia strong las wik na helpim Air Niugini long autim Wests 42-10.

Lucas Agi na Gaius Kula bai go pas long beklain bilong Defence. Tupela ya i save gut tru long wokabout bilong ol arapela pilaia olsem na Air Niugini i mas was aut.

Insait long dispela gem, wanem tim i fit bai winim dispela gem namel long Air Niugini na Defence.

Insait long ol arapela gem, Tarangau nau i wok long soim strong bilong em olsem ol arapela biknem tim i mas lukaut. Ol mekim ol Magani i guria na nilim ol 32-18.

Ol lain husat i winim gem bilong Tarangau em Dilu Siune, Felix Hamana, Ben Bire, Joe Avara na Philip Gass. Dispela ol lain bai go pas long Tarangau long dispela wik taim ol i bungim ol DCA.

Long sait bilong DCA, tupela brata Peter na Jacob Ivaraoa bai go pas long DCA. Tupela bai kisim helpim long ol lapun bilong DCA olsem Arebo Taumaku, Moi Ganiga na Gau Hure.

Tasol olsem kosa-bilong Tarangau John Wagambie i tok pinis, ol arapela tim i mas was aut. Em i taim bilong Tarangau.

Kosa bilong DCA Tara Gau i no inap mekim ol toktok. Ol bai wet tasol taim ol i bung long ples pilai.

DCA i lus las wik long Hawks. Hawks i nekim ol 20-10. Dispela wik Hawks i no gat bikpela sans bikos Brothers bai autim tiket bilong ol.

Long ol arapela gem bai kamap, Magani i mas lukaut long Wests na Kone Tigers bai winim Paga Panthers.

# Niugini ailan resis bai kamap long Rabaul

SEMPION tim bilong NGI rijon Rabaul i mas strong gen long winim taitel insait long zon trails bai kamap long Rabaul long dispela wiken.

Rabaul i bosim taitel inap 4-pela yia nau. Long olgeta gren fainal bilong NGI zon trails, Rabaul i save bungim Bougainvil. Tasol nau Kimbe tu i tingting long pilai

long gren fainal. Olsem na bikpela pait tru bai kamap long dispela wiken. Ol biknem bilong Rabaul olsem Kumul Joe Gispe na David Gaius bai i no inap

stap long skwat bilong Rabaul. Arapela Kumul tu, Jack Sapat i no gat nem. Olsem na Rabaul i mas tingting strong long autim tiket bilong ol arapela tim.

Bougainvil. Ol i no wari tumas long Kavieng na Kimbe. Kimbe tu i gat nem bipo. Ol i save pait wantaim Rabaul long gren fainal. Tasol long 1987, Bougainvil i kamap na "TKO" long Kimbe. Orait, Bougainvil i bungim Rabaul na Rabaul i winim ol.

Kavieng i no gat nem long Ragbi. Ol bai kam pilai tasol long helpim ol selekta. Ol i bin stap trening inap wanpela mun pinis. Ol biknem pilaia bilong Kavieng olsem John Yip, Ben Lakur, Afred Kasik, na Viko Pamel bai i go pas long ol boi karanas.

Bipo Kavieng i no save stap long NGI zon trails. Ol i save painim hevi long sait bilong mani. Nau Rabaul i namel stret na Kavieng bai i gat sans long pilai.

Lapun Darius Haili bai go pas long ol lain Kimbe. Em i gat nem.

Joe Gispe i lusim pinis Rabaul na i stap long Mosbi. Air Niugini klap bilong Mosbi i baim em long K800 long pilai long klap bilong ol.

Mausman na sekeri bilong Rabaul Lig Angwi Hriehwazi i tokim RLN olsem Rabaul skwat i gat ol gutpela pilaia nau i kisim ples.

Mista Hriehwazi i tok olsem 4-pela senta tasol bai stap insait long dispela sempionisip. OL senta ya em Rabaul, Kavieng, Kimbe na Bougainvil.

Kosa bilong sempion klap Muruks, Louis Chacko bai lukautim dispela skwat. Chacko em wanpela kosa i gat nem.

Mista Hriehwazi i tokaut olsem Rabaul i pret liklik long



• Philip Gus bilong Tarangau i holim bal na ranawe long dispela birua bilong Magani long las wiken. Tarangau i bin soim gutpela stail pilai stret na autim Magani. Poto: JOSEPH KAU.

## NGI makim junia skwat

NIUGINI AILAN zon i makim junia skwat bilong em long pilai egens long Noten Zon. Tupela tim bai bung long Kwins Betde wiken long Lae.

Samting olsem 4-pela tim tasol i bin kamap. Ol tim em Kavieng, Rabaul, Kimbe na Bougainvil. Not Solomons i no bin kamap bikos pait i bruk long BCL.

Rabaul i autim dispela junia taitel. Tasol sori tumas, ol selekta i makim tupela pilaia tasol bilong Rabaul. Ol arapela i gat sans tasol yia bilong ol i no bin winim 19.

Rabaul i nilim Kimbe 14-4 long Sarere. Na long Sande ol i wilwilim stret Kavieng 24-2. Ol Bougainvil i no pilai gut. OL birua tim winim ol isi tru.

Bougainvil i dro wantaim Kavieng. Taso Kimbe i waraim ol 16-6. Dispela em bikpela sem tru long kavieng ragbi lig.

Hia lista bilong ol pilaia bilong Island Junia skwat; Arnold Hulu, John Kuona, Jesse Ake, Mul Rex na Paul Nelson (Kimbe), Kusak REddy, Greg Navoki, Elison Baing, Lens Sela na Oscar Pasingan (Kavieng) na ol Bougainvil em Lendy Tande, Lasin Ragu, John Saro, Eddie Kilala na Gramme Karop.

25-5255

# BOROKO MOTORS LIMITED USED CARS PORT MORESBY

25-5255

ALL VEHICLES SHOWING THIS SIGN (\*) MUST BE SOLD BEFORE JULY 1ST. DON'T MISS OUT

	LAUREL K10,250		PATROL DIES. 4WD K10,500		TOYOTA CRESSIDA AUTO AIRCON. K5,750.00 *
V.W. COMBI VAN K900.00 *		929 * SEDAN		TOYOTA CORONA K7,950	
	626 MAZDA SEDAN *		A/C TELSTAR MANUEL K5,900		TOYOTA STARLET *
MAZDA 929 SDN MANUEL AIRCON. K7,900.00 *		MAZDA 929 SEDAN AUTO K3,500.00 *		NISSAN B/BIRD S/W MANUEL AIRCON. K5,950.00 *	



PRICES ARE NEGOTIABLE,  
BUT THEY MUST BE SOLD  
BEFORE JULY 1ST.



# WANTOK SPAK MAIK!

LONG SAN MAIK I WOKIM WANPELA SAMTING NA BRUKIM LEK BILONG EM...

HARIAP!! YUMI KARIM EM IGO LONG HAUSSIK!!

OOOH!

MAN, OL GIVIM SIKSTI I GO NA GINGAIT WANTAIM...

KLIA! KLIA! KAUNSO I KISIM BAGARAP!

OPIM RDT!!

OYOO MAMA...

OL LAIK RON I GO INSAIT LONG HAUS SIK TASOL DOKTA BOI I BIKMAUS...

GO BEK NA SANAP LONG LAIN!!

TRU YA!

NAU, TARANGU MAIK I GO SINDAUN LONG LAS TRU NA WET...

OOOH!

EM WET I STAP NA AI BILONG EM I RAUN NA EM PUNDAUN...

DOKTA!! KAUNSO I HAP INDA YA!!

6x???

NAU DOKTA I MARI MARI LONG MAIK NA EM GO STRETIM EM...

YU TASOL PUTIM LO!.. YU KAUNSO NATING!!

## GOODYEAR

The Choice of Champions

**CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR**

GOROKA Ph: 72 1848 Al's Auto Repairs Pty. Ltd	MADANG Ph: 82 2433	LAE Ph: 42 1144	KIMBE Ph: 935540	RABAUL Ph: 92 2757 92 2777
MT HAGEN Ph: 52 1715	POPONDETTA Ph 29 7175	PORT MORESBY Ph: 25 5255	ARAWA Ph: 95 1566 95 1516	ALOTAU Ph: 61 1167 Milne Bay Enterprises

## BOROKO MOTORS

• PORT MORESBY PH: 255255 • LAE PH: 421144 • RABAUL PH: 922777 • MT HAGEN PH: 521433 • KIMBE PH: 935540  
• MADANG PH: 822433 • TABUBIL PH: 583311 • ARAWA MOTORS PH: 951566 • HIGATURU MOTORS PH: 297175

# REBO

**SIKS MUN BIHAIN REBO LUS TING TING LONG OLGETA SAMTING NA HATIM RAGBI I STAP...**

**WANPELA TAIM BIHAIN LONG GEM TAIM MENESA SINGAUTIM REBO I GO INSAIT LONG OPIS...**

**HARIAP TRU NA REBO GO LONG HAUS NA PAINIM PASPOT BILONG EM...**

**TASOL PASPOT BILONG EM I STAP LONG PAPUA NIUGINI... PIKININI BILONG EM I KARIM I KAM LONG SUT KES BILONG EM...**

**REBO PILAI RAGBI I STAP NA TUPELA OPISA BILONG NUSILAN INTELIJENS I WAS LONG EM I STAP...**

**NAU OL ARESTIM REBO...**

**I GO MOA NEKS WIK!**

*Speech bubbles:*  
 "UUFF!"  
 "IGAT MOA!"  
 "REBO GO KARIM PAS POT BILONG YU, KAM... VISA BILONG YU BAI PINIS KLOSTU."  
 "OKE, BAI MI GO SEKAP LONG HAUS NAU."  
 "BLARY SIT??... PASPOT BILONG MI GO WE?"  
 "MI LES PINIS LONG KAIN PASIN BILONG KANDERE. MI MAS LUSIM DISPELA HAUS NA I GO."  
 "MISTA REBO!... MIPELA BAI ARESTIM -U... YUMI GO!"  
 "YEAH.. MUV I GO!!"  
 "HEH!! MI WOKIM WANEM?"  
 "OYO AUDA!! YU KARIM PASPOT BILONG PAPA I KAM YA! TARANGU!"  
 "EM REBO TASOL YA..."  
 "YUMI ARESTIM EM BIHAIN LONG GEM...."  
 "DRAIVA! KARIM KA I GO HARIAP, NOGUT TUPELA MARIT KIRAP NA STOP-IM MI."  
 "OK!"  
 "TUPELA MARIT KIRAP LONG MONING NA STAT KROS."  
 "BILONG WANEM YU WOKIM NABAUT NA PINIKI I GO?... A A!!!!"  
 "EM LIKLIK SAMTING TASOL YU SARAP!"  
 "PINIKI GO KAMAP LONG HAUS BILONG LIKLIK PAPA BILONG JOHN."  
 "AI!... PINIKI! YU?..."  
 "MI KAM LUSIM OL SAMTING NA LAIK I GO WOK."

# PINIKI


**PINIKI KUKIM RAIS I STAP NA HARIM TUPELA MAN I STORI LONG EM...**

**PINIKI I GO INSAIT LONG BETRUM NATINGTING PLANTI I STAP...**

**PINIKI GO KAMAP LONG HAUS BILONG LIKLIK PAPA BILONG JOHN.**

*Speech bubbles:*  
 "BIA PES!!"  
 "HAI! MI GAT BIKPELA LAIK LONG KANDERE."  
 "NOGAT TOK!"  
 "MI WANEM? .. KUK O MANGI BILONG YUPELA?"  
 "HO!"  
 "MI LES PINIS LONG KAIN PASIN BILONG KANDERE. MI MAS LUSIM DISPELA HAUS NA I GO."  
 "DRAIVA! KARIM KA I GO HARIAP, NOGUT TUPELA MARIT KIRAP NA STOP-IM MI."  
 "OK!"  
 "TUPELA MARIT KIRAP LONG MONING NA STAT KROS."  
 "BILONG WANEM YU WOKIM NABAUT NA PINIKI I GO?... A A!!!!"  
 "EM LIKLIK SAMTING TASOL YU SARAP!"  
 "PINIKI GO KAMAP LONG HAUS BILONG LIKLIK PAPA BILONG JOHN."  
 "AI!... PINIKI! YU?..."  
 "MI KAM LUSIM OL SAMTING NA LAIK I GO WOK."

## GONAU! WANTAIM SHARPIES Banana Boat



KAM NAU NA LUKIM LONG SO RUM LONG WAIGANI DRIVE KLOSTU LONG ISLANDER HOTEL.

NA TINGIM, MIPELA TU I GAT OL EVINRUDE E-OUTBOARD MOTORS I STAP. PRAIS I NO DIA TUMAS

..Long painim pis, kisim kaikai i kam long maket, karim kago, i go piknik long ailan o long raun tasol... Sharpies Banana Boat tu i gat nem long ol kain kain wok long wara.

I KAM LONG




**Boroko Motors  
Marine Division  
Phone: 255255 Ext 224.**

Askim long Guy Lamont

# YOU WILL KNOW ITS GRIP

WHEN YOU SEE ONE!



You are practically covering more ground, saving time, labour and fuel by utilizing full tractors power.

## TRACTION SURE GRIP

### Rear Tractor tyre,

COVERS MORE GROUND...WITH LESS FUEL



#### POSITIVE BITING ACTION

The Traction Sure-Grip tractor tyre features an open-centre design with lone, deep, broad self-cleaning lugs to enable a firm bite in the soil. The unique wedging action of these precision-straight lugs lessen slippage and spin-outs, providing traction unequalled by any other tyre in its class.

#### JOB-TESTED STAMINA

Goodyear's exclusive 3T tyre cord process involving tension, time and temperature - triple tempers the cord to give it the strength of steel. This exclusive process guards against the buckling, buckle breaks and cracking most associated with rugged field conditions.

#### SAVE TIME, MONEY

The Traction Sure-Grip tractor tyre has been expressly designed to control the higher torque and increased tractor power. It literally turns 'twisting action' into positive traction, saving time, labour and fuel by utilising full tractor power.

#### LONG - WEARING

Goodyear's exclusive 3T tyre cord triple tempering process gives the carcass the strength of steel to ward off the harmful effects of cuts and bruises encountered in the field. This means far more retreads, too thus assuring greater durability and serviceability for the life of the tyre.



See the complete line of tractor tyres by GOODYEAR



### BOROKO MOTORS TYRE CENTRES:

- |                   |               |         |
|-------------------|---------------|---------|
| • PORT MORESY     | OLA ILA       | 255 255 |
| • LAE             | COLLIN ERBERT | 421 144 |
| • RABAU           | JEFF TONG     | 922 777 |
| • MADANG          | KILA RAWALI   | 822 433 |
| • MT HAGEN        | RUPEN SOTEN   | 521 433 |
| • ARAWA MOTORS    | AGAI SAUL     | 951 566 |
| • HIGATURU MOTORS | RUPU TORU     | 297 175 |
| • KIMBE           | JOHN KEWA     | 935 540 |

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.